




土岐文庫  
文庫17  
W82  
28



文庫 17  
W82  
28

010185188545

昭和六十年二月一日贈  
土岐善庵氏寄

石屏詩鈔

七九

戴復古字式之天台黃巖人居南塘石屏山因自號焉  
負奇尚氣慷慨不羈少孤痛父東臯子遺言收拾殘稿  
遂篤志於詩從雪巢林景息竹隱徐淵子講明句法復  
登放翁之門而詩益進南游甌閩北窺吳越逾梅嶺窮  
桂林上會稽絕重江浮彭蠡汎洞庭望匡廬五老九疑  
諸峰然後放於淮泗歸老委羽之下遊歷既廣聞見益  
多爲學益高深而奧密以詩鳴江湖間五十年或語復  
古宋詩不及唐曰不然本朝詩出於經此人所未識而  
復古獨心知之故其詩正大醇雅多與理契機括妙用  
殆非言傳然猶自謂胸中無千百字書如商賈乏資本  
不能致奇貨蓋謙言也吳荆溪稱其蒐獵點勘自周漢



石屏詩鈔  
至今大編秘文遺事度說何啻百千家包盱江亦謂正  
不滯於書乃楊升庵直議其無百字成誦此癡人說夢  
耳又傳其游江西富家以女妻之三年息歸乃言曾妻  
婦翁怒女曲解之臨行贈詞曰惜多才憐薄命無計可  
留汝揉碎花牋忍寫斷腸句道傷楊柳依依千絲萬縷  
抵不住一分愁緒捉月盟言不是夢中語後回君若重  
來不相忘處把杯酒澆奴墳上土遂自投江死今考集  
中畧無踪跡後人因詩餘木蘭花慢一闕有重來故人  
不見但依然楊柳小樓東之句乃強實之讀陳昉跋云  
有忠益而無諂求有謙和而無誕傲姚鏞云忠義根於  
天資學問培於諸老朱子亦以詩相贈酬使無行至此  
其得爲大儒君子所稱許至升庵乃發覆耶平生著作

甚富趙懶庵選百三十首爲小集觀者謂趙於古少許  
可而此編特博袁蒙齋又選爲續集蕭學易選爲第三  
稿李友山姚希聲選爲第四稿鞏仲至又爲摘句復古  
自云詩不可計遲速每一得句或經年而成篇其鍛鍊  
之苦師友琢削之精故所選得十九焉方萬里曰慶元  
以來詩人爲謁客成風于求要路動獲千萬石屏鄙之  
不爲也嗟乎安得斯人一愧世之幅巾朱門望塵獻詩  
者哉

求先人墨蹟呈表兄黃季文

我翁本詩仙遊戲滄海上引手掣鯨鯢失脚墮塵網身窮  
道則腴年高氣彌壯平生無長物飲盡千斛釀傳家古錦  
囊自作金玉想篇章久零落人間眇餘響搜求二十年痛

淚濕黃壤君家圖書府墨色照青嶂我翁有遺迹數紙古  
田樣髣髴鍾王體吟句更豪放把玩竹林間風寒凜悽愴  
昂昂野鶴姿愧無中散狀兒孤襁褓中家隨風掃蕩於茲  
見筆法可想翁無恙幽居寂寞鄉風月共來往眾醜成獨  
妍群瘖怪孤唱一生既蹉跎人琴遂俱喪託君名不朽斯  
文豈天相舊作忽新傳識者動慨賞嗟予忝厥嗣朝夕愧  
俯仰敢墜顯揚息幽光發草莽假此見諸公再銘松栢壙  
君其啓惠心慰彼九泉望

夢中亦役役

半夜群動息五更百夢殘天鷄啼一聲萬枕不遑安一口  
一百刻能得幾刻閒當其閒睡時作夢更多端窮者夢富  
貴達者夢神仙夢中亦役役人生良鮮歡

飲馬長城窟

朔風凜高秋黑霧翳白日漢兵來伐 飲馬長城窟古來  
長城窟中有戰士骨骨久化為泉馬來喫不得聞說華山  
陽水甘春草長

白苧歌

懶庵選石屏詩南塘稱其清到其間白苧歌  
最古雅語簡意深今世難得所謂一不為少

雪為緯玉為經一織三條手織成一片水清如夷齊一作齊黃  
可以為衣陟彼西山于以采薇

題陳毅甫家壁

了翁本役也

朱門金叵羅九醞葡萄春酌貴不酌賤酌富不酌貧君家  
破茆屋飄搖河水濱中有一樽綠醉盡天下人

答婦詞

舊嘗和彥先婦答夫二首故復賦此篇

江山阻且長矯首鄉關隔空闌泣幼婦顛顛失顏色隱閉

鶴鳴篇寄彼西飛翼剝封覽情素既喜復悽惻別時梅始  
花傷今食梅實覽古帝王州結交游俠窟千金沽美酒一  
飲連十日春風吹酒醒始知身是客杜宇啼一聲行人淚  
橫臆衣破誰與紉髮垢孰與櫛勿謂遊子心而不念家室  
新交握臂行肝膽猶楚越醜婦隔江山千里猜弗絕慙  
揮報章歸計何時決今夕知何夕睹此纖纖月此月再圓  
時門前候歸一作轍

都中書懷呈滕仁伯秘監

北風朝暮寒園林日蕭條自非松柏姿何葉不飄搖儒衣  
歷多難陋巷困簞瓢無地可躬耕無才仕王朝一飢驅我  
來騎驢吟灞橋通名丞相府數月不見招欲登五侯門非  
皓齒細腰索米長安街滿口讀詩騷時人試靜聽霜枝轉  
寒凋倘可悅人耳安望如蕭韶

所館小樓見山可喜

茲樓非我有久居如主人雖無往來客青山當佳賓君看  
樓下路三尺軟紅塵失脚踏此塵泪沒多終身

大熱五首

天地一大窑陽炭烹六月萬物此陶鎔人何怨炎熱君看  
百穀秋亦自暑中結田水沸如湯背汗濕如潑農夫方夏  
耘安坐吾敢食

左手遮赤日右手招清風揮汗不能已扇笠競要功南山  
龍吐雲騰騰滿虛空一雨變清涼萬物隨疏通向人無德  
色大哉造化工

大渴遇甘井汲多井欲竭入喉化為汗不救胷中熱吾聞

三危露迥與衆水別其色瑩琉璃其冷勝冰雪安得一杯  
來爲我解此渴

吾家老茆屋破漏尚可住門前五巨樟枝葉龍蛇舞半空  
隔天日六月不知暑西照坐東偏南薰開北戶胡爲捨是  
居受此炮炙苦

天嗔吾面白晒作鐵色深天能黑我面豈能黑我心我心  
有冰雪不受暑氣侵推去北窓枕息鼓南風琴千古叫虞  
舜遺我以一作好音

久寓泉南待一故人消息桂隱諸葛如晦謂客舍不  
可住借一園亭安下卽事凡有十首

寄跡小園中自笑客異鄉東家送檳榔西家送檳榔咀嚼  
脣齒赤亦能醉我腸南人散愛客以此當茶湯慙慙謝其

來此意不可忘

寄迹小園中豈不勝旅舍俗事無交加客身自閑暇鄰家  
有酒沽杯盤亦可借吟侶適相過新詩堪膾炙足以慰我  
懷留連日至夜

寄跡小園中數椽亦瀟洒主人旣相知此地可久假縣官  
送月糧鄰翁供菜把咫尺是屠門亦有賣鮮者里巷通來  
往欲結鷄豚社

寄跡小園中餘春接初夏問木木成陰問花花已謝黃鸝  
出幽谷杜鵑叫長夜把酒酌園婆遠客此稅駕有時吟聲  
高鬼神莫驚怕

寄跡小園中一心安淡薄每坐竹間亭不知近城郭昨日  
看花開今日見花落靜中觀物化妙處在一覺委身以順

命無憂亦無樂

寄跡小園中第一薪水便逐一炊黃粱兼得魚鰕賤飽飯  
日無營遮眼有書卷時逢好客來應接不知倦最苦風雨  
時有人招夜宴

逐一疑作逐日

寄跡小園中新晴風日麗好鳥竹間鳴野鶴空中喚悠然  
動詩興行吟撫松桂久客若忘歸此身笑匏繫五月倘未  
行尚及食丹荔

寄跡小園中頗欲悶形影誰爲饒舌者太守忽相請開心  
論時務細語及時境坐中有蠻客狂言爭馳騁明日酒醒  
來熟思令人瘦

閱一作關

寄跡小園中忽有烏衣至手中執圓封州府特遣餽羅列  
滿吾前禮數頗周緻四鄰來聚觀若有流涎意呼童急開

樽四鄰同一醉

寄跡小園中倒指五十日旣得故人書南游吾事畢再拜  
謝主翁奉還此一室雲萍聚復散欲住住不得折柳當馬  
鞭明朝有行色

題鄭寧夫玉軒詩卷

良玉假雕琢好詩費吟哦詩句果如玉沈謝不足多玉聲  
貴清越玉色愛純粹作詩亦如之要在工夫至辨玉先辨  
石論詩先論格詩家體固多文章有正脉細觀玉軒吟  
生良苦心雕琢復雕琢片玉萬黃金

和高常簿暮春

世變日以薄無從見雍熙閉門讀古書聊以道自怡桃李  
春盎盎風雨秋淒淒於春何足喜於秋何用悲人生一世

間所忌立志卑終身有不遇千載皆明時我生無所解肥  
遊滄海沂一朝遇名勝朽腐生光輝斂衽贊明德非公誰  
與歸

和鄭澗甫提舉見寄

出門欲求仁取友必勝已寥寥海雲鄉所幸有君爾曾蟠  
三萬卷智先三十里相與定詩盟誰能執牛耳  
長身如病鶴吟苦如蟋蟀顧此顛頽姿癡生年八秩舉世  
皆好竽老夫方鼓瑟梅花莫笑人茅簷炙朝日

送吳伯成歸建昌二首

此是包宏齋倅台時作癸卯夏

老夫脚病瘡閉門作僧夏麥麩不療飢冬衣猶未卸喜讀  
吳融詩窮愁退三舍無因暗投壁有墜倒食蔗冥搜琢肺  
肝苦吟忘晝夜工夫到深處非王亦非霸

吾友嚴華谷實爲君里人多年入詩社錦囊貯清新昨者  
袁蒙齋招爲入幕賓千里有遇合隔牆不見親君歸訪其  
家說我老病身別有千萬意付之六六鱗

謝東倅包宏父三首

癸卯夏

詩文雖兩途理義歸乎一風騷凡幾變晚唐諸子出本朝  
師古學六經爲世用諸公相羽翼文章還正統晦翁講道  
餘高吟復超絕吳言許其詩鳳凰飛處別  
君家名父子爲晦翁嫡傳嘗見黃勉齋極口稱其賢師友  
相琢磨南軒惜無年翁之爲汝翁文字相周旋溟渤深見  
底泰華高及天宏齋有鳳髓可續欲斷弦  
平生不識字把筆學吟詩舊說韋蘇州於余今見之每遭  
飢寒厄出吐辛酸辭候蟲鳴屋壁風蟬嚙枯枝但有可憐



聲入耳終無奇宏齋誤題品恐貽識者譏

題姚雪蓬使君所藏蘇野塘畫

高者爲山坳者爲壑爲煙爲雲渺沙漠漠水鳥樹林人家  
聚落騎者何之舟者未泊三尺紙上萬象交錯天機自然  
神驚鬼愕嗚呼此吾故人野塘蘇元龍之墨蹟中有石屏  
老淚痕又與野塘添一筆

烏鹽角行

鳳簫鼉鼓龍鬚笛夜宴華堂醉春色豔歌妙舞蕩心心但  
有歡娛別無益何如村落捲桐吹能使時人知稼穡村南  
村北聲相續青郊雨後耕黃犢一聲催得大麥黃一聲換  
得新秧綠人言此角只兒戲孰識古人吹角意田家作勞  
多怨咨故假聲音召和氣吹此角起東作吹此角田家樂

此角上與鄒子之律同宮商合鍾呂形甚朴聲甚古一吹  
寒谷生禾黍

靈碧石歌爲方巖王郎中作

靈壁一峰天下奇體勢雄偉身巍巍巨靈怒扞天柱擲平  
地蒼龍驤首尾兩片黑雲腰夾之聲如青銅色碧玉秀潤  
四時嵐翠濕乾坤所寶落世間鬼神上訴天公泣謂有非  
常人致此非常物可磨斫賊劍可倚擊姦笏可祝不老年  
可比至剛德自從突兀在眼前溪山夜夜生顏色君不見  
杭州風流白使君雅愛天竺雙雲根又不見奇章公家太  
湖碧高下品題分甲乙二公名與石不磨今到方巖有靈  
壁我來欲作靈壁歌擊石一唱三摩挲秋風蕭蕭淮水波  
中分南北橫干戈塵埋沒漢山河泗濱靈壁今如何安

得此石來岩阿鬱然盤礴中原氣對此令人感慨多

章泉二老歌

在昔商山傳四皓又聞香山圖九老異鄉異姓適同時爭  
如章泉一家兄弟登期頤章泉之上兩山下有地可宮田  
可稼伯也早休官季也相約歸林泉名動京口耕谷口山  
中有詩天下傳一生得閑兼得壽皓首龐眉世稀有竹隱  
先生八十三定庵居士七十九客從遠方來亦是六十叟  
手把一枝梅奉勸兩翁酒問公何以致遐齡請翁細說吾  
細聽不燒丹不學仙五行有常數天所稟賦焉人生一氣  
統四體衆人斲喪吾能全要知養生無他術日多喫飯夜  
獨眠承翁見教謝翁去兩翁慇懃留我住是夜醉眠苔竹  
軒夢見山靈向我言翁之所說皆不然兩翁盛德合乎天

天與遐齡五百年

觀陸士龍作顧彥先婦答夫二首有感韻

北風吹歲暮空閨獨棲止夙興淚盈掬夕息夢千里妾生  
胡不辰失身從浪子嚼蘂苦我心餐水噤我齒離異何足  
愁險澀可勝紀寄書西飛雁反覆話終始

鼠璞竊美名冠玉假外觀良人誇意氣下妾愁歲晏念君  
使行邁雪嶺梅初粲春風桃已紅光陰等飛彈相思果如  
何金環寬玉腕昔爲連理枝今作搏沙散惜哉牛與女  
瓜阻河漢特棲良獨難守堅秖自讚雙劍幾時合寄聲問  
華煥勿聽五羊歌富貴忘貧賤

栗齋輦仲至以元結文集爲韻

尋常被酒時歸到急投枕爲愛次山文今夜醉忘寢偉哉

浯溪碑千載氣凜凜春陵賊退篇少陵猶斂衽文章自一家其意則古甚大羹遺五味純素薄文錦聲牙不同俗斯文異所稟君君望堯舜人人欲倉廩不可行時對窳樽飲

杜甫祠

嗚呼杜少陵醉卧春江漲文章萬丈光不隨枯骨葬平生稷契心致君堯舜上時兮弗我與屹然抱微尚干戈奔走蹤道路飢寒狀草中辨君臣筆端誅將相高吟比興體力救風雅喪如史數十篇才氣一何壯到今五百年知公尚無恙麒麟守高阡貂蟬入畫像一死不幾時聲迹兩塵莽何如來陽江頭三尺荒草墳名如日月光天壤

阿奇晬日

窮居少生涯養子如種穀寸苗方在手想像秋禾熟吾兒天所惠骨相頗豐碩娟娟懷抱中一歲至週日願汝無灾害長大庶可必十歲聰明開二十蚤奮發曾蟠三萬卷手握五色筆策勳文字場致君以儒術不然學孫吳縱橫萬人敵爲國取中原闢地玄冥北他年汝成就料我頭已白光華照老眼甘旨不可缺爲子必純孝爲人必正直以我期望心一日必一祝勿爲癡小兒茫然無所識胎教尚有聞斯言豈無益

琵琶行

潯陽江頭秋月明黃蘆葉底秋風聲銀龍行酒送歸客丈夫不爲兒女情隔船琵琶自愁思何預江州司馬事爲渠感激作歌行一寫六百六十字白樂天白樂天平生多爲

達者語到此胡爲不釋然弗堪謫宦一作便歸去廬山政  
接柴桑路不尋黃菊伴淵明忍泣青衫對商婦

毗陵太平寺畫水呈王君保使君畫龍篇在後

何人筆端有許力捲來一片瀟湘碧摩挲老眼看不真怪  
見層波湧虛壁天慶觀中雙魚龍物色雖殊妙處同能將  
此水畜彼龍方知畫手有神通龍兮水兮終會遇天下蒼  
生待霖雨

### 南嶽

南雲漂渺連蒼穹七十二峰朝祝融凌空棟宇赤帝宅脩  
廊翼翼生寒風朝家遣使嚴祀典御香當殿開宸封願四  
海扶九重干戈永息年屢豐五嶽惟今見南嶽北望乾坤  
雙淚落

### 送來賓宰

君作來賓宰聽我說來賓蠻俗無王化當爲行化人有民  
無租賦租賦出商旅逐利遭重徵商旅亦良苦能放一分  
寬可減十分怨不愛資囊橐但愛了支遣民窮賴撫摩官  
貧俸不多但得百姓安俸薄其奈何勿謂朝廷遠官職易  
遷轉律已貴廉勤御事要明斷自縣辟爲州指日爲太守  
須知早歸來瘴鄉不可久

### 出閩

于山萬山閩中路六尺枯藤兩芒屨去歲梅花迎我來今  
歲梅花送我去梅花豈解管送迎白髮胡爲又南征天荒  
地老終無情歸去歸兮老石屏

### 玉華洞

憶昨游桂林岩洞甲天下奇奇怪怪生妙不可模寫玉華  
東西岩具體而微者神功巧穿鑿石壁生孔罅玲瓏透風  
月宜冬復宜夏中有補陀仙坐斷此瀟灑空山茅葦區無  
地可稅駕舉目忽此逢心駭見希詫題詩媿不能行久亦  
無暇

祝二嚴

僕本山野人漁樵共居處小年學父詩用心亦良苦搜索  
空虛腹綴緝艱辛語糊口走四方白頭無伴侶前年得嚴  
粲今年得嚴羽我自得二嚴牛鐸諧鍾呂粲也苦吟身束  
之以簪組遍叅百家體終乃師杜甫羽也天姿高不肖事  
科舉風雅與騷些歷歷在肺腑持論傷太高與世或齟齬  
長歌激古風自立一門戶二嚴我所敬二嚴亦我與我老  
歸故山殘年能幾許平生五百篇無人爲之主零落天地  
間未必是塵土再拜祝二嚴爲我收拾取

市舶提舉

七十老翁頭雪白落在江湖賣詩冊平生知己管夷吾得  
爲萬貢堂前客嘲吟有罪遭天厄謀歸未辦資身策鷄林  
莫有買詩人明日煩公問蕃舶

懶不作書急口令寄朝士

老病懶作書行藏詩上見一心不相忘千里如對面我已  
八十翁此身寧久絆諸君才傑出玉石自有辯隨才供任  
使小大備衆選明君用良弼治道方一變與之致太平朝  
廷還舊觀老夫眼尚明細把諸君看試將草草書用寫區  
區願一願善調燮二願強加飯三願致太平官職日九轉

鳳鳴有吉凶

鵲噪令人喜，鴉噪令人憎。人心自分別，吉凶屬禽聲。舜時有鳳鳴，文王時亦鳴。漢時鳳亦鳴，六朝時亦鳴。鳳鳴有吉凶，人不仔細聽。

婕妤好詞

丹霞張誠子作此詞，出以示僕，僕疑其太文，因作此。

紈扇六月時，似妾君恩重。避暑南薰殿，清風隨扇動。妾時侍君王，常得沾餘涼。秋風颯庭樹，團圓無用處。妾亦寵顧衰，栖栖度朝暮。扇為無情物，用捨不知郵。妾有深宮怨，無情不如扇。

感寓四首

采薇人固高，飲露蟬遂清。謀茲一粒粟，舉世共營營。營營亦多塗，中有虧與盈。陋巷一簞食，朱門九鼎烹。窮達各有

命，繫誰主。權衡吾生未可必，秋風白髮生。

蛛網罽虛簷，一飽羅羣飛。寒蠶齧枯桑，一身終繭絲。物物巧生理，我生拙奚為。貂裘日以弊，石田歲長飢。一貧已到骨，一氣儻未衰。舉目送飛鴻，悠悠知我誰。

夜雨挾西風，撼撼庭樹浮。生堪幾秋青，鬢忽已素鈿。刀判九牛策，蹇望長路所。操莽無奇自，好徒自誤改。絃調新聲履，道易故步收。功在桑榆其，敢怨遲暮。紅紫委路塵，綠樹有嘉色。剝心晚聞道，玩物若有得。青春坐銷歇，方茲見真實。人生到中年，胡不保明德。秋風墮庭梧，棲鳳去無迹。矯首碧雲端，一語三歎息。

寄章泉先生趙昌父

靈鳳鳴朝陽，神龍不泥蟠。時兮不可為，昌父乃在山。思君

二十年見君良獨難時於邸報上屢見得祠官祠官祿不多一貧其奈何采芝亦可食當作采芝歌近者李侍郎直言遭逐去人皆笑其疎君獨有詩句君為山中人世事安得聞入山恐未深更入幾重雲時悅齋李侍郎去國章泉詩送其行

頻酌淮河水

有客游濠梁頻酌淮河水東南水多鹹不如此水美春風吹綠波鬱鬱中原氣莫向北岸波中有英雄淚

元宵雨

窮人不謀歡元夜如常時晴雨均寂寞早與一睡期朱門粲燈火歌舞臨酒池酒闌歡不足九街恣游嬉前呵驚市人簫鼓逐後隨片雲頭上黑翻得失意歸

小孤山阻風因成小詩適舟中有浦城人寫寄真西

山

羣山勢如奔欲渡長江去孤峰拔地起毅然能遏住屹立大江干仍能障狂瀾人不知此山有功天地間

松江舟中四首荷葉浦時有不測末句故及之

夜聽楓橋鐘曉汲松江水客行信忽忽少住亦可喜且食鱖魚肥莫問鱸魚美行一作有

垂虹五百步太湖三萬頃除却岳陽樓天下無此景范蠡挾西施功名付煙艇

秋風吹客衣歸興浩難寫寒林噪晚鴉紅日墮平野篙師解人意橫棹酒旗下

扁舟乃官差舟子吾語汝汝為我作勞吾亦不汝負好向上塘行莫過荷葉浦

趙尊道郎中出示堂畫四老飲圖滕賢良有詩亦使野人着句

采芝商山秦四皓象戲橘中爲四老我疑此畫卽其人有時以酒陶天真丹青不知誰好手作此飲態妙入神摩挲半世江湖眼古錦軸中舒復卷細將物色辨人物迺是晉時劉畢與陶阮一琴無絃橫膝上一琴團圓明月樣一人持杓坐甕邊一人手攜文一編是中必寫酒德篇諸君傷時強自遣翹生風味况不淺妖氣蔽神州誓江不救中原亂新亭舉目愁山河萬事何如一樽滿一杯一杯醉復醉天地陶陶盡和氣道術相忘禮汰疎形骸懶散無機事此畫流傳知幾載生綃剝落精神在何人爲我更作杜陵飲中八仙歌將與冰壺主人爲此對

伏龍山民宋正甫湖山清隱廼唐詩人陳陶故圃曾

景建作記俾僕賦詩

故人昔住金華峰面帶雙溪秋水容故人今住伏龍山陳陶故圃茆三間千載清風徐孺子門前共此一湖水百花洲上萬垂楊白鷗羣裏歌滄浪故人心事孺子高故人詩句今陳陶短衣飯牛不逢堯何如繡鞍上著錦宮袍瓦盆對客酌松醪何如紫霞觴泛碧葡萄豆其然火度寒宵何如玉堂夜照金蓮膏吟成秃筆寫芭蕉何如沉香亭北醉揮毫再三問君君不對目送飛鴻楚天外細讀山中招隱篇超然意與煙霞會照影湖邊雙鬢皓此計知之悔不早三椽可辦願卜隣荷鍾相隨種瑤草

會稽山中



曉風吹斷荒祠雨，山白無塵。風光滴翠，濕人衣踏。碎瓊瑤玉，注人家遠近，屋參差半成圖畫。半成詩若使山中無此，注山臨水定忘歸。

高九萬見下落星更何賦此答之

天星墮地化為石，注作晉道宮東來海若獻秋水。環以碧波千萬重，注數百丈。時吐光燄驚魚龍。鳳凰羣飛擁其外，對面<sub>一作</sub>阜之皆陰晴。風雨多態度，日舉目看不同。高善能詩復能畫，自說此景難形容。且好收拾藏<sub>一作</sub>中，養成筆力可扛鼎。然後一發妙奪造化功。作高髯高鬚，須貌取萬物升沉元。有數<sub>一作</sub>三闢此石三十年，復化為星上天去。

題申季山所藏李伯時畫村田樂

春秧夏苗秋遂穫，官賦私逋都了却。雞豚社酒賽豐年，醉唱村歌舞村樂。鼓笛有聲無曲譜，布衫顛倒<sub>一作</sub>舞欲識太平真氣象。試看<sub>一作</sub>觀此畫，有佳趣。管絃聲<sub>一作</sub>按宮商發細轉柳腰花十八羅幃繡幙拂香<sub>一作</sub>春。風九醞葡萄金盞滑。王孫公子巧歡娛，勿將富貴笑田夫。非渠耕稼飽君腹，問有黃金可樂無。

嘉定甲戌孟秋二十有七起居舍人兼直學士院真德秀上殿直前奏邊事不顧忌諱一疏萬言援引古今鋪陳方畧忠誼感激辭章浩瀚誠有補於國家天台戴復古獲見此疏伏讀再三竊有所感敬效白樂天體以紀其事錄于野史

禁城雞唱金門開，起居舍人攜疏來榻前。一奏一萬字，歷

歷寫出忠義懷頓首惶恐臣昧死越錄敢言天下事百年  
河洛 朔恨滿東南天一角夷甫諸人責未酬志士愁  
眠劍鋒落天意未回事難舉鄉來一試成干誤 頻歲  
自相屠盛衰大抵由天數昨臣銜命出疆時自期有去必  
無歸屈 當憤死天相孤忠半道回金山之下長江  
水擊楫中流書壯志東風吹上妙高臺畧望江淮見形勢  
形勢從來祇如此幾年待得天時至朝廷爲計保萬全往  
往忘却前朝耻臣今未暇論規恢 已亡何慮哉中原  
曠地無人管政恐英雄生草萊北方苦飢民骨立萬一東  
來竊吾粟邊頭諸州無鐵壁借問誰能備倉卒請朝廷厲  
精兵擇良將辦多多策上上更選人材老練通達分守要  
衝講明方略一賢可作萬里城一人可當百萬兵坐令國

勢九鼎重所賴君心一點明長牋奏徹龍顏悅繼言臣愚  
進此說言雖甚鄙用甚切宸斷必行下福勿謂儒生論  
迂濶臣之肝膽與人別讀書豈爲才 設王師若出定中  
原玉堂敢草 策

盧申之正字得春郊牧養圖二本有樓攻媿先生題  
詩且徵予作

竹弓鳴雁鴨驚飛來別浦無人境春風不搖楊柳影長頸  
紛紛占作家半游波而半眠沙或行或立或如舞或隻或  
雙或羣聚飲啄浮沉多態度物情閑暇世忘機分明一片  
太古一作平時巧僞不作民熙熙

我之居元在野平生慣識牛羊者今見蒲江出此圖半日  
不知渠是畫一健當前轉頭立一健度浦毛猶濕中有二

蒼騎以牧牯犂相隨數十足殿後兩枚黃鰲鯨分明如活  
下前坡路轉山南春草多耳根只欠牧兒歌

鄂州南樓

鄂州州前山頂頭上有縹緲百尺樓大開窓戶納宇宙高  
插欄干侵斗牛我疑脚踏蒼龍背下瞰八方一作荒無內外  
江渚鱗差十萬家淮楚荆湖一都會西風吹盡庾公塵秋  
影涵空動碧雲欲識古今興廢事細看文簡李公文

題曾無疑飛龍飲秣圖

雲東示我良馬圖一騎飲水一騎芻竹批雙耳目搖電毛  
色純一骨相殊何人貌此真權奇筆端疑有渥洼池駕駘  
當用驂騮老羸得畫圖人看好盆中飲槽中秣無用霜蹄  
空立鉄何如渴飲長城濠上波飢則飽喫天山禾振首長

鳴載猛士龍

踏碎

窠

儒衣陳其姓工於畫牛馬魚一日持六簇爲贈以換

詩

生絹六幅淡墨圖伊人筆端有造化驂騮汗血掣電光牯  
犂倦耕眠草下陂塘漠漠煙雨後出水羣魚戲瀟灑細看  
物物有生意不比尋常能畫者請君就此三景中揮毫添  
我作漁翁岸頭孤石持竿坐白鷺同居蒲葦叢有時尋詩  
出游衍欵段徐行山路遠奚奴逐後背錦囊木杪斜陽鴉  
噪晚有時簑笠過田間農婦農夫相往還手放鉏犁吹短  
笛日暮青郊黃犢閑王孫貴人不識此此是吾儂佳絕處  
挂君圖畫讀吾詩令人頓踏長安路

黃州棲霞樓卽景呈謝汴道國正

石屏詩少

十八

朝來攔檻倚晴空暮來煙雨迷飛鴻白衣蒼狗易改變淡  
粧濃抹難形容蘆洲渺渺去無極數點斷山橫遠碧樊山  
諸峰立一壁非煙非霧籠秋色須臾黑雲如潑墨欲雨不  
雨不可得須臾雲開見落日忽展一機雲錦出一態未了  
一態生愈變愈奇人莫測使君把酒索我詩索詩不得呼  
畫師要知作詩如作畫人力豈能窮造化

寄報恩長老恭率翁

報恩千楹歸一炬佛也不能逃劫數寶坊化作瓦礫場堪  
笑月庭來又去率翁修造鳳樓手第一能將無作有神工  
作舍鬼築牆鞭笞水石能飛走風斤月斧日紛然行看華  
屋突兀在眼前好留一室館狂客早晚來叅文字禪

織婦歎

春蠶成絲復成絹養得夏蠶重剝繭絹未脫軸擬輸官絲  
未落車圖贖典一春一夏爲蠶忙織婦布衣仍布裳有布  
得着猶自可今年無麻愁殺我

刈麥行

腰鎌上壠刈黃雲東家西家麥滿門前村寡婦拾滯穢餽  
粥有餘炊餅餌我聞淮南麥最多麥田今歲屯干戈飽飯  
不知征戰苦生長此方真樂土

鄂渚張唐卿周嘉仲送別

武昌江頭人送別楊柳秋來不堪折漢陽門外望南樓昨  
日不知今日愁英雄握手新相識人情正好成南北酒闌  
人散最關情一雁西飛楚天碧

話燕

去年汝來巢我屋梁間汗泥高一尺啄腥拋穢不汝厭生  
長羣雜我護惜家貧惠愛不及人自謂於汝獨有力不望  
汝如靈蛇銜寶珠雀獻金環來報德春風期汝一相顧對  
語茅簷慰岑寂如何今年來於我絕蹤跡一貪簾幕畫堂  
間便視吾廬爲棄物

寄趙鼎臣

學如劉子政不使校書天祿閣文如李太白不使待詔金  
鑾殿倚樓終日看廬山贏得虛名聞九縣才忌太高心忌  
太清平平穩穩爲公爲卿騏驎可羈乃歸帝閑麟鳳莫馴  
爲瑞人間人間爲瑞徒能好騏驎可羈終遠到歲寒心事  
幾人知手把梅花供一笑

毗陵天慶觀畫龍自題姑蘇羽士李懷仁醉筆詩呈

王君保寺丞使君

姑蘇道士天酒星醉筆寫出雙龍形墨蹟從橫奪造化蜿  
蜒滿壁令人驚一龍翻身出雲表口吞八極滄溟小手弄  
寶珠珠欲飛握入掌中拳五爪一龍排山山爲開頭角與  
石爭崔嵬波濤怒起接雲氣不向九霄行雨來萬物焦枯  
天作旱兩雄壁隱寧非懶真龍不用只畫圖猛拍闌干寄  
三歎

秋懷

紅葉無人掃黃花獨自妍聽談天下事愁到酒樽前水瀾  
終非海樓高不到天昔人已懷古况復後千年

到酒一作對酒

元日二首呈永豐劉叔冶知縣

焚香拜元日受歲客他州白髮難遮老新年諱說愁無人

能訪戴有地足依劉桃李爭春事梅花笑未休  
市近人聲雜窓明雨色開異鄉輕度節同邸重傳杯不碍  
狂夫醉知無賀客來故園歸未得茆屋想蒼苔

宿農家

門巷規模古田園氣味長小桃紅破萼大麥綠銜芒稚犬  
迎來客歸牛帶夕陽儒衣愧飄泊相就說農桑

水陸寺

長沙沙上寺突兀古樓臺四面水光合一邊山影來靜分  
僧榻坐晚趁釣船回明日重相約前村訪早梅

清明感傷

一笠戴春雨愁來不可遮清明思上塚昨夜夢還家歸興  
隨流水傷心對落花晉原松下淚沾洒楚天涯

都中書懷二首

醉卧長安市息歸東海涯瓶餘殘臘酒梅老隔一作年花

日與愁爲地時憑夢到家鄉書三兩紙一讀一咨嗟

雪化晴簷雨爐烘凍壁春窮猶戀詩酒懶不正衣巾寂寞  
安吾分奔馳失我真枯桐就煨燼容有賞音人

歲暮呈真翰林

歲事朝朝迫家書字字愁頻沽深巷酒獨倚異鄉樓詩骨  
梅花瘦歸心江水流狂謀渺無際忍看大刀頭

山中卽目一作二首

岩路穿黃落人家隱翠微籠鷄爲鴨抱網犬逐鶉飛竹好  
堪延客溪清欲浣衣禪扉在何許僧笠戴雲歸

茅屋七五聚沙汀八九盤梯山哇麥秀囊石障溪湍一作端

父老雞豚社兒童梨棗盤幽居有餘樂奔走愧孺冠

題徐京伯通判北征詩卷

一襟忠誼氣數首北征詩不許公卿見徒為篋笥奇銜枚  
衝雪夜擊楫誓江時此志無人共愁吟兩鬢絲

江上

山東江流急雲兼霧氣深輕鷗閑態度孤雁苦聲音客路  
行無極風光古又今梅花出籬落幽事頗關心

賢女祠

南康縣外二十里有女祠昔有劉氏女少而  
慧父母初以許蔡無故絕蔡而以許吳吳亡  
又以許蔡女曰女子身初許蔡奪以許吳二年矣  
今吳亡復以許蔡一女二許人尚何顏面登人之  
門投身于潭而死

士有敗風節慙魂埋九京幽閨持大誼千載著嘉名父不  
重然諾女能輕死生寒潭墮秋月心跡兩清明

次韻望雪夜

雪中寒力壯疾山更難勝温酒撥爐火題詩敲硯水驚心  
雙白鬢知我一青燦臥悟浮生事思參小大乘

春日懷家

細數平生事何堪挂齒牙客遊兒廢學身拙婦持家開甕  
嘗春酒租山摘早茶關心此時節歸興滿天涯

寄沈莊可

無山可種菊強號菊山人結得諸公好吟成五字新紅塵  
時在路白髮未離貧吾輩渾如此天公似不仁

山行

度嶺休騎馬臨淵看網魚木根高可坐岩石細堪書谷鳥  
鳴相答山雲卷復舒儒衣人賣酒疑是馬相如

次韻謝敬之題南康縣劉清老園

劉子隱居地真如李愿盤萬松春不老多竹夏生寒卜築  
世情遠登臨客慮寬題詩疥君壁聊以記遊觀

淮上春日

邊寒客衣薄漸喜暖風回社後未聞燕春深方見梅壯懷  
頻撫劔孤憤強銜杯北望山河語一作路天時不再來

麻城道中

三杯成小醉行處總堪詩臨水知魚樂觀山愛馬遲林塘  
飛翡翠籬落帶醪醑問訊一作信邊頭事溪翁總不知

望花山張老家

元從邊上住來此避兵興麥麩朝充食松明夜當燈蔽門  
麻莘莘護壁石層層老嫗逢人哭吾兒在謝陵一老嫗逢人必大哭

云我兒在謝陵不歸也沈洲有謝陵橋其子與戰死乎

春日

淫滯江湖久蹉跎歲月新客愁茅店雨詩思柳橋春秣馬  
尋歸路騎鯨問故人山林與朝市何處著吾身

聞李將軍一作全至建康

疋馬徑趨府將軍意氣多來依漢日月息復晉山河邊將  
慚尸素朝臣奏凱歌分明御狙詐得失竟如何

江漲見移居者

夏潦連秋漲人家水半門都拋破茅屋移住小山村聒聒  
籠雞犬纍纍帶子孫安居華屋者應覺此身尊

送湘漕趙蹈中寺丞移憲江東

持節復持節因循霜鬢侵盛衰關大數豪傑負初心宇宙



虛長算江湖奇短吟番陽秋水濶湘浦未爲深

立春後二首

久望春風至還經閨月遲梅花丈人行柳色少年時愛酒  
常無伴吟詩近得師離騷變風雅當效楚臣爲  
東風吹竹屋無數落梅花凍雀棲簷角飢鳥啄草芽家鄉  
勞夜夢客路又春花莫訝狂夫醉西樓酒可賒

寄韓仲止

何以澗泉號取其清又清天游一丘壑孩視幾公卿杯舉  
卽時酒詩留後世名黃花秋意足東望憶淵明

題張僉判園林

園圃屋東西從君一杖藜雨寒花蕊瘦春重柳絲低亭館  
常留客軒窓總傍溪摩挲雪色壁安得好詩題

哭趙紫芝

嗚呼趙紫芝其命止於斯東晉時一作朝人物晚唐家數詩

瘦因吟息苦窮爲宦情癡憶在藏春圃花邊細話時嘗在平江

孟侍郵藏春圃終日論詩

江村何宏甫載酒過清江

玉筍千峰雨金風十日秋誰能多載酒來此共登樓山立  
閱萬變溪深納衆流故人歸未得我亦爲詩留

臨江軍新歲呈王幼學監簿

夢說去年事詩從昨夜吟三杯新歲酒千里故鄉心人共  
梅花老愁連江水深家書忽在眼一紙直千金

訪楊伯子監丞自白沙問路而去

欲訪楊雄宅扁舟過白沙自從山以後直到水之涯風節

古人物文章老作家相尋有忙事第一問梅花  
朝市風波地乾坤漁獵場生民日憔悴吾道亦淒涼龍不  
爲霖出鳳於何處藏羣鴉爭晚噪一意送斜陽

劉興伯黃希宋蘇希亮慧力寺避暑

何處避炎熱相期過寶坊萬松深處坐六月午時涼鐘磬  
出深屋江山界短牆醉來歸興懶留宿贊公房

秋夜旅中

旅食息鄉味砧聲起客愁夜涼風動竹人靜月當樓浮世  
百年夢他鄉幾度秋店翁新酒熟一醉更何求

舟行往弔故人

喬木風聲壯大江天影圓悲秋時把酒愛月夜行船未及  
到河上先愁過竹邊倚蓬息往事聞笛爲淒然

無策

老覺登樓懶心知涉世疎夢蕉還得鹿緣木可求魚晚歲  
未聞道平生欠讀書行藏兩無策究竟果何如

題萍鄉何叔萬雲山

詩人姚仲同乃胡仲方詩友

拄杖穿雲去一坡仍一坡地高山不峻花少竹還多家近  
登臨使人賢氣味和能詩老姚合朝夕共吟哦

常寧縣訪許介之途中卽景

竹徑入茅屋松坡連菜畦深瀦漚麻水斜豎采桑梯區別  
鄰家鴨羣分各線鷄行人來少憇假道過東溪

閩鷄一綿  
作一羣各  
線則別作一羣

建昌道上

此篇誤寫在高九萬集中

凜凜北風勁行行西路賒人情甘淡薄世事苦參差酒易

石屏詩金 二十五  
逢知己詩難遇作家林間數點雪錯認是梅花

訪嚴坦叔

麻姑山下泊城郭帶煙霞攜刺投詩社移船一作賣錢傍酒家  
沙禽時弄水棹柳夏飛花小酌未能了西樓日又斜

杜仲高自鄂渚下儀真

鄂渚三千里南樓看月回東園花政好去歲客重來兄弟  
皆名士文章動上台傾城傾國色也用覓良媒

見趙知道運使

飽食武昌魚不如歸故廬盟鷗還海道問雁覓家書又把  
鄉人刺來投使者車東園桃與李莫使著花疎

黃道士出爻

林屋何瀟洒權爲羽士家客來多載酒僧至自煎茶試墨

題新竹攜筇數落花飲中忙過日無暇問丹砂

陳伯可山亭

梯險登霞外乘流過竹西寒溪隨雨漲高閣與雲齊雙鶴  
有時舞孤猿何處啼清吟無盡興白石可留題

舟中病起登覽

穢棹病三日登樓舉一觥江山從古在花草逐時生南浦  
佳人別西風送客行錦鱗能自躍獻我一杯羹

見湖南綉使陳益甫大著

敢寫散人號來登君子堂論文才力短憂世話頭長老不  
堪行路心息歸故鄉數行詩後語夜夜吐光芒爲作詩跋甚佳

南臺寺長老乃福州士人陳其姓語及光拙菴遭際  
寺乃石頭和尚道場

元龍湖海士叅得石頭禪卓筆翻千偈住山今年安心  
一丘壑過眼幾雲煙莫笑拙菴拙聲名動九天

真西山帥長沙禱雨

出郭問農事家家笑語聲有田皆足水旣雨亦宜晴山下  
溪流急街頭米價平明朝聞一作開領客相見賀秋成

蘇希亮約客遊劉興伯大自在亭

偶爾來江上從君到酒邊雨晴花弄日風定柳凝煙適意  
共一笑浮生無百年明朝大自在誰辦載花船

客中寄家書併簡李道姪

東隱三年別西風一紙書逢人相問訊念我獨勤劬游子  
思吾土先人有弊廬欲歸歸未得妻子定何如

舟中夜坐

獨坐觀星斗一襟秋息長天河司米價太乙照時康月浦  
孤帆過風荷一路香持杯問舟子今夜宿誰鄉俗識以天  
米價之貴賤

淮東趙漕領

冥一作

客東園趙世卿贖談近日諸公僕

謂今日東園之會想像歐蘇風流不可見

今日東園會能爲野客期乾坤一南北花木幾興衰亭館  
經行地歐蘇無恙時風流不可見煙雨謾題詩

沈莊可號菊花山人卽其所言

老貌非前日清吟似舊時已無藏酒婦幸有讀書兒連歲  
修葺屋三秋繞菊籬寒儒有奇遇太守爲刊詩

太湖縣雪中簡段子克知縣

臘雪隨風下寒驢行路難匆匆投邸舍草草共一作  
宴具杯盤

喜見豐年瑞渾忘昨夜寒兒童不解事却作柳花看

許介之約過清溪道上有成

行盡白雲際乘槎過水西稻田秋後雀茅舍午時雞野飯  
自不惡村醪亦可攜聞鐘欲投宿何處是招提

送張子孟

柳陽有鬼哭山桂陽有神愁嶺

君為柳桂客聽說道途難不過神愁嶺須經鬼哭山心平  
無險路酒賤有歡顏早作還鄉計高堂鶴髮斑

南豐縣南臺包敏道趙伯成同遊

笑傲南臺上東風吹鬢絲眼明花在處春好雨晴時樓閣  
多臨水溪山可賦詩留連無盡意故遣酒行遲

長沙道上

詩情滿天地客夢繞瀟湘何處桂花發秋風昨夜香登山

猶矍鑠照水見昂藏未了一生事難禁兩鬢霜

萍鄉客舍

草罷惜春賦持杯亦鮮歡簷楹雙燕語風雨百花殘小閣  
無聊坐征衣不耐寒地爐燒石炭強把故書看

譚俊明雪中見訪從而乞米

今日病方起君來喜可知地爐燒楮尾釜煮犁祈門外  
雪三尺窓前梅數枝野夫飢欲死誰與辦晨炊

訪陳與機縣尉於湘潭下攝市

清淡守風節當官若隱居自稱為漫尉人道是迂儒俸外  
無炊米公餘但讀書王門多貴戚道眼視如無

買得南坡景創成西尉司宅幽連一作寺觀地廣帶亭池

能事事易了役民民不知題詩記顛末政不假人碑

觀靜江山水呈陳魯叟漕使

桂林佳絕處人道勝匡廬山好石骨露洞多岩腹虛崢嶸  
勢相敵溫厚氣無餘可惜登臨地春風草木疎  
昨者登梅嶺茲來入桂林相從萬里外不負一生心湖上  
千峰立樽前十客吟譏評到泉石吾敢望知音

昭武劉圻甫以唼篁隱居圖求詩

相對兩山碧春風搖綠篁一巢雲建造三澗水宮商谷口  
躬耕稼盤中歌壽昌桃花認行路他日訪劉郎

題趙庶可山臺

層臺高幾許此卽會稽圖一目空秦望千峰壓鏡湖雲煙  
分境界城郭限廉隅他日傳佳話蘭亭與此俱  
天造此一景超然闌闌間坐分臺上石看盡越中山松月

照今古樵風送往還只愁軒冕出閑却白雲關

贈張季冶

秋扇交情薄儒衣行路難縱懷千里志也要一枝安夢繞  
梅花帳愁生苜蓿盤從來食肉相千萬強加餐

姪淑遠遊不得書

客夢江湖遠窮居骨肉離尺書無寄處中夜不眠時念爾  
衣裘薄滿懷風露悲狂遊斷消息深負竹林期

寄梅屋趙季防縣尉

疇昔交遊密睽違歲月多石屏今老矣梅屋病如何世路  
生荆棘家山足薜蘿共尋深處隱此計莫蹉跎

歸來二首兒子劄小樓以安老者

老去知無用歸來得自如幾年眠客舍今日愛吾廬處世

無長策閑時讀故書但能營一飽渾莫問其餘  
破屋不可住如何著老身喜於喬木下見此小樓新山好  
如佳客吾歸作主人摩挲雙脚底無復踏紅塵

歸後遣書問訊李敷文

華字實夫

憶作南州客歸來東海濱尚懷憂世志忍說在家貧老作  
山林計夢隨車馬塵鬱孤臺上月無復照詩人

後夜鬱孤臺上月更

從何處照詩人數文送行詩也

醉眠夢中得夏閏得秋早雨多宜歲豐一聯起來西

風悲人且聞邊事

夏閏得秋早雨多宜歲豐今朝上東閣昨夜已西風田野  
一飽外乾坤萬感中傳聞招戰士人尚說和戎

一笑

海曲荒涼地吟邊蹭蹬身時危法當隱年老慣居貧俗客  
苦戀坐小孫癡弄人等閒成一笑不覺把杯頻

送姪孫汝白往東嘉問訊陳叔方諸丈

子去尋名勝何慚著布衣出門知所鄉在旅亦如歸道誼  
無窮達文章有是非寄聲陳與趙相賞莫相違

寄南昌故人黃存之宋謙甫二首

謙甫多才思存之重誼襟一書愁話別千里夢相尋南浦  
扁舟上東湖萬柳陰舊時行樂處何事不關心  
久客歸來後家如舊日貧青山何處隱白髮也愁人叟  
一生事乾坤百病身時無嵇呂駕相憶莫相親

送趙安仁之官上虞二首

表表魁吾相面如田字方早宜朝玉陛猶自綰銅章上挹

葉丞相近瞻商侍郎風流接前輩偃室有輝光  
遠庵家學在持此去爲官冰雪吾身白風霜吏膽寒一心  
毋妄用百姓自相安賢者妙爲政誰言宰劇難

秋日

秋風梧葉雨袞袞送秋涼一氣四時轉幾人雙鬢蒼舊游  
如說夢久客乍還鄉欲作安居計生涯尚渺茫

君玉同訪豈潛飲間君度曼卿不約而至鶴方換翎  
羽出舞于桂花之下不可無語

秋來常日雨雨霽忽秋深鶴換一身雪花開滿樹金三杯  
動情性一笑付園林莫怪先歸去衰翁薄一作疾侵

戊戌冬

造化人難測寒時暖似春蛟龍冬不蟄雷電夜驚人四海

瘡痍甚三邊戰伐頻靜中觀氣數愁殺草茅臣

題姪孫豈潛家平遠圖

好山橫遠碧平野帶林塘四望耕桑地幾年雲水鄉海天  
龍上下秋日鶴翱翔觀物忽有感無心住草堂

夏日續題

海近朝曦赫山明宿霧消紫雲縈碧落白鷺點青苗避暑  
軒亭爽凭虛眼界遙時來一登眺初不待招邀

因風再寄南昌故人兼簡王帥子文

寄聲黃與宋書去望書還別後交情在年來世路艱吾息  
踏東海君合隱西山詩卷勤收拾留名天地間

江湖歸亦好朋友恨相疎倏作三年別纔通一紙書詩盟  
誰是主世道正愁予若見王都督煩君問起居



舟中

儀棹河梁畔推篷得句新雲爲山態度水借月精神密樹藏飛翮平波見躍鱗飢年村落底也有醉歸人

送曉山夏官甫入京

歲月頻看鏡功名一據鞍勿言行路惡有志戀家難芳草客程遠落花春夜寒江湖舊時夢相逐到長安

辛丑歲暮三首

日月易流轉一年仍一年身從憂患老事逐歲時遷白首未聞道清貧不愧天寒林松栢瘦花柳又春妍

臘盡無多日吾生有幾年老於人事懶貧覺世情偏獨枕江湖夢閉門風雪天三杯動詩興得句落梅邊

意氣久凋落形模老可憎能扶雙病脚賴有一枯藤世味

淡如水吾心達似僧明朝今日事一任運騰騰

歲旦族黨會拜

衣冠拜元日樽俎對芳辰上下二百位尊卑五世人排門喬木古照水早梅春寒事將消歇風光又一新

姪孫子淵新居落成

一區揚子宅中有讀書堂早覺儒風好兼看野趣長籬籬帶花竹里巷接農桑安得茆三架爲鄰住汝傍

子淵送牡丹

有酒何孤我因花賦惱公可憐秋鬢白羞見牡丹紅海上盟鷗客人間失馬翁不知衰病後禁得幾春風

晚春

春來涉一作能幾日又到落花時老面羞看鏡愁懷強作詩

雨墻蝸篆古風樹鳥巢危有客適相過樽前一局棋

嘉熙己亥大旱荒庚子夏麥熟

餓喙偏生事空言不療飢誰知歲豐歉實係國安危世變到極處人心無藉時客來談盜賊相對各愁眉

瀕海數十一作千里飢民及一作幾萬家雨多憂壞麥春好忍

看花鑿淺疏田水占晴視晚霞老農如鬼瘦不住作生涯

庚子薦飢

連歲遭飢饉民間氣索然十家九不爨一作飽升米百餘錢

凜凜飢寒地蕭蕭風雪天人無告急處閉戶抱愁眠

餓走拋家舍從橫死路岐有天不雨粟無地可埋屍劫數

慘如此吾曹忍見之官司行賑卹不過是文移

去歲未為歉今年始是凶穀高三倍價人到十分窮險漸

牙頭菜一作米愁聞飯後鐘新來慰心處隴麥早芄芄

花朝姪孫子固家小集見其後園一池甚廣因思唐

戴簡隱居長沙東池柳子厚有記吾子固雖富而

不驕有禮文足以飾身鄉里稱其善馬少游之流

也余以東池隱居稱之不為過况此乃吾家故事

特欠柳柳州作記爾

今朝當社日明日是花朝佳節唯宜飲東池適見招綠深

楊柳重紅透海棠嬌自笑鬢邊雪多年不肖消

代書寄韓履善右司趙庶可寺簿

懶不脩書札將詩問起居升沉元自異故舊忍相疎學術

有餘用班行不次除功名付公等世道莫愁予

涉世幾三折行年近八旬江湖倦游客天地苦吟身白髮

石屏詩金  
三十一  
可憐老青雲多故人東風雖有力朽木不逢春

閉戶生涯薄憂時念慮長老猶息汗漫貧已在一一作生膏肓  
弱柳饒春色幽蘭抱國香窮通安我命一笑且持觴

月夜懷董叔宏聞其入京未得報

酒醒興未已詩成吟不休一涼風滿座半夜月明樓老驥  
息千里飛鴻閱九州故人何處在誰作置書郵

雁山羅漢寺省王總幹之墓待和甫主簿之來

山鳥怪儒衣遊山我亦癡叫雲雲不應問水水相知俗物  
刺人眼春風發我詩噪鶯鴉喜主簿有來期一作時

雁山總題此山本朝方顯

此地古無聞誰封萬石君山林纔整整來往早紛紛兩派  
龍湫水千峰雁蕩雲東西十八寺紀載欠碑文

幾山兼幾水更有幾煙霞不立僊人宅都爲釋氏家賓秋  
多少雁報曉一雙鴉有此山林勝如何在海涯

會心

我本江湖客來觀雁蕩奇脚穿靈運履一作履口誦貫休詩  
景物與心會山靈莫我知白雲迷去路臨水坐多時

淨明

林巒相掩映巖谷獨玲瓏下置維摩室上通龍伯宮靈珠  
四時雨秋水一簾風甚欲觀新月山高脚力窮新月谷在  
上高不可

謝項子宜帥幹遣饋

聞說沙溪上分明似渭川重山照一作蓋華屋萬竹繞清泉  
遣饋知相憶登門未有緣一樓先月景想像在吟邊

石屏詩鈔 三十四  
姪孫昂以東塾農歌一編來細讀足以起予七言有  
汲水灌花私雨露臨池疊石幻溪山草欺蘭瘦能  
香否杏笑梅殘奈俗何似此兩聯皆自出新意自  
可傳世然言語之工又未足多其體格純正氣象  
和平爲可喜余非諛言自有識者因題其卷末以  
歸之

吾宗有東塾詩律頗留心不學晚唐體曾聞大雅音霜空  
孤鶴唳雲洞老龍吟羣噪無才息昏鴉自滿林

風雨無膠中覽鏡有感作小詩未有斷句適雨姪孫

攜詩卷來

覽鏡忽有感誰能寫我真峻嶒忍飢面蹭蹬苦吟身風葉  
飄零夜雨花狼藉春相過慰牢落吾族有詩人

姪孫槃字子淵服字豈潛各攜詩卷來相與在酒邊細  
細讀之足以起予醉石眠花影吟廊步蘚紋春水綠平  
野夕陽紅半山一樽溪上別孤棹雨中行此槃之作也  
一燈深夜雨幾處不眠人一草亦關春造化衆星能表  
月精神此服之作也如此等語不可枚數摘其一二以  
識之當自有識者爲其賞音

歲暮

一作旦

書懷寄林玉溪

吾年幾八十暮景不勝斜老鶴猶能語枯梅強作花一心  
爲死計無意問生涯有酒時相過東鄰八九家  
笑共梅花語窮難與命爭人皆居煥館我獨墮寒坑假合  
非吾道幽棲了此生門墻元自靜群小莫從橫  
袞袞日不暇看看歲又徂一生賦茅屋幾度換桃符天官

容吾老人皆笑我迂王溪何所見時復問詩癯

壬寅除夜

今夕知何夕滿堂燈燭光杜陵分歲了賈島祭詩忙橫笛  
梅花老傳杯栢葉香明朝賀元日政恐雨相妨

癸卯歲旦

淳祐第三載正朝把一杯老夫真是病賀客不須來擇日  
修茅屋當春覓柳栽新年莫多事且放好懷開

新年多雨一日晴色可喜

一晴良可喜始覺好新年綠漲春前水青開雨後天看花  
我老矣把酒興悠然病脚妨行樂三杯歸醉眠

送王仲夔制機宰瀏陽

一身供世用六月赴官忙當此炎天熱知君心地涼吏能

師卓魯縣界接瀟湘試飲瀏陽水清清滋味長

瀏陽誰謂小桑柘萬家春遠宦逢知己推心在惠民速宜

還縣債聞早綴朝紳說與諸公道方巖後有人

送黎明府

縣債三年了鄉心萬里飛一身如許瘦百姓不妨肥買宅  
憑誰辦抱琴何處歸諸公競推轂穩去着朝衣

訪西澗一作山王深道

諸王居處僻古屋滿山坡傳到宋淳祐來從晉永和詩書  
歷年久名勝結交多一澗流芳潤滔滔秋水波

諸老傷凋謝淒涼屬此時相從一夜語忍讀四哀詩世事

生愁緒秋風吹鬢絲黃花香晚節說與秀岩知吳荆溪四哀詩語亦作話

挽溫嶺丁竹坡

瀟洒復瀟洒是為丁竹坡生涯渾草草詩句自多多恨不識是叟悲哉作此歌數編遺稿在不算葬煙蘿

廣東漕李實夫四首

乾坤雖廣大人物不能多議論還諸老文章自一科從橫負才畧緩急任干戈不有濟時傑其如世事何

志士規模遠非時展布難莫言南地暖須念北風寒楮賤傷財力兵驕稔禍端盛衰關氣數天下幾時安

千里長城手如何在廣州共談天下事莫上斗南樓瘦作硬露封侯骨忠懷報國愁丁寧北來雁邊信怕沉浮

忘家甘旅食憂國屬愁顏有客佩金印何人守玉關風霜晚秋後天地夕陽間痛灑傷時淚別公歸故山

求安

愁來須強遣老去只求安酒熟息招客詩成勝得官梅花天下白雪片夜深寒衲被蒙頭睡儵然百慮寬

秋日早行

雁叫秋容老鳥飛曙色分晨炊何草草宿酒尚醺醺野曠連滄海山長帶白雲馬行沙上路驚起白鷗羣

石洲遇陳季申話舊

綠樹挂烏帽清波照白頭合隨秋燕去那作賈胡留紅吐檳榔唾香薰茉莉毬樽前話疇昔一笑不能休

書事

喜作羊城客忌為鶴髮翁問天求酒量翻海洗詩窮已過西南道適遭東北風扁舟載明月枉作賣油公

西南道乃廣州一稅

石屏詩金 三十一  
場○前李約作漕時請遊藥湖出新寵佐尊一意顧盼無暇與賓客語僕有詩云手拍錦囊空得句眼看檀板遇知音  
者漕大怒謂舟中有麻油不投稅拘留其船

故人陳秘書家有感

晚春風雨後花絮落無聲綠泛新荷出青鋪細草生私蛙  
爲誰噪老犬伴人行舊日狂賓客樽前笑不成  
林塘劫火後更作兩家分笋折頭捨地松高氣拂雲老夫  
來訪舊稚子解談文自是麒麟種那隨雁鶩羣

臨江小泊

艤舟楊柳下一笑上茶樓適與胡僧遇非因越女留雲行  
山自在沙合水分流獨酌臨清泚知心是白鷗

謝蕭和伯見訪

定交雖日淺老眼見君深急誼真如渴能詩不肖吟江湖

尊白髮土苴視黃金野客無邊幅相看話此心

廬陵城外

郭外人煙好行行過北阡迎船分社肉汲井種春田綠樹  
前村路黃梅細雨天客游鄉土別景物只同然 一作前

別董叔宏兄弟

年老息家切交深話別難扁舟行且止尊酒強相寬客路  
歸來晚人情去後看西風吹過雁千萬寄平安

訪蒼山曾子實

故人子曾子居處近金精福地佳山水詩家老弟兄十年  
重會面一笑最關情萬象亭前月今宵爲我明

事機

天下事機別朝廷局面新臺官遷不定年號改何頻黜陟

由明主安危仗老臣祖宗成意在卽此是經綸  
所聞二首 中使人廣詔宦崔右相賊起梗道

屢遣和使三邊未解兵武夫權漸重  
望何輕天下息豪傑君王用老成時無渭濱叟白首致功名  
右席須賢久丹書幾度催賊驚中使轉人望相公來聞政  
曲江宅調羹庾嶺梅莫因多病後虛出應三台

張端義應詔上書謫曲江正月一日贛州相遇

憂世心何切謀身計甚踈樽前話不盡天下事何如漢武  
求言詔賈生流涕書龍顏那可犯謫向曲江居  
正朝送遷客好去看梅花此嶺幾人過念君雙鬢華直言  
知爲國遠地莫思家詔石叫虞舜傷哉古道賒

聞杜儀甫出臺

與知宗趙山甫甚厚善

臺官關係重用捨一何輕諸老多慚德斯人有直聲儻來  
視軒冕歸去卽功名莫拜寬堂墓傷心隔死生

楊州道宮安下制幹朱行甫撫幹方巨山連騎相訪

道院羣僊集高軒二妙來文章清氣足談笑老懷開落木  
三秋晚黃花九日催何當陪勝踐一作錢共把蟹螯杯

朱行甫和前韻送別烹鹿薦酒

此別真成別從今去不來佳人難再得惡抱向誰開客路  
一歸晚家書幾度催慙慙見君意烹鹿薦離杯

諸詩人會于吳門翁際可通判席上高翁欄有詩僕  
有客星聚吳會詩派落松江之句方子萬使君喜  
之遂足成篇

客星聚吳會詩派落松江老眼洞千古曠懷開八窓風流



談奪席歌笑酒盈缸楊陸不再作何人可受降

別邵武諸故人

白髮亂紛紛鄉心逐海雲此行堪一哭無復見諸君老馬尋歸路孤鴻戀舊羣酒闌何處笛今夜不堪聞

一老儒爲貴人燒丹丹垂成而走因此失所

道途多險阻此老欲何之命薄丹砂走天寒白髮悲從教達官罵忍受小兒欺月夜雙鳥鵲飛鳴繞樹枝

江上夜坐懷嚴儀卿李友山

江清天影動樓近角聲雄楊柳枝枝月芭蕉葉葉風佳人難再得良夜與誰同別後知何處吟詩句句工

江上

扁舟泊江渚喜近酒家門出網魚蝦活投林鳥雀喧無橋

通竹處有路到桃源一見南塘字凄然憶故園

僕所居之地名

舟中

扁舟何處泊沙渚夕陽邊遠浦橫魚網高山起燒烟客行今老矣秋息日凄然且復開懷抱囊中有酒錢

所聞

北風如許急亦使客心寒近得襄陽報仍聞蜀道難三杯中夜酒一枕幾時安江上兩都督何人上將壇

訪徐益夫

仲蔚蓬蒿宅終朝只閉關無心與時競未老得身閒綠繞廵除水青橫隔岸山客來新酒熟相對一酡顏

渝江綠陰亭九日燕集

九日江亭上誰憐老孟嘉要人看白髮不用整烏紗寄興

石屏詩鈔 四十  
題桐葉長歌醉菊花歸心徒自苦猶在楚天涯

夜吟呈趙東巖

汲井漱殘酒行吟到夜分一軒清似洗萬籟寂無聞風送  
迎秋雨天收翳月雲雞鳴庭戶白人事又紛紛

有感

皺眉觀世事把酒讀離騷天下無公論曾中有古刀陡然  
成耿耿何以制滔滔不逐羣飛轉孤鴻畢竟高

春陵山中作寫寄孔海翁

昨日分攜後回頭望竹關相親惟白水所見但青山雲近  
人家遠苔生石徑斑聞鐘知有寺又在渺茫間

飲蕭和伯家醉登快閣和楊伯子題分明觀韻

醉歸蕭史宅快閣倚西東山斂過雲雨江無起浪風月行

銀漢上人在玉壺中天眼照塵世應憐鶴髮翁

客中歲晚呈何宏甫

歲事費料理三杯意適然與其愁度日曷若醉忘年桑落  
冬前酒梅花雪後天不知身是客多謝主人賢

蘄春李丈解后游江上園勸游人不可折花木禁漁

弋者不捕禽魚酒邊談論可聽乃中洲先生之後

葉水心嘗與往來

坐斷此江干池亭百畝寬禽魚全性命花竹報平安有道  
行其志非時做甚官丰神更開雅野服竹皮冠

都下書懷

半月不把鏡羞看兩鬢塵讀書增意氣攜刺減精神道路  
誰推轂江湖賦采蘋從來麋鹿性那作帝鄉人

艤舟登滕王閣

散步登城郭，維舟古樹傍。澄江浮野色，虛閣貯秋光。卻酒淋衣濕，槎橙滿袖香。西風吹白髮，猶逐少年狂。

湖口

水落山增峻，江空石出奇。倚篷看不足，解纜放教遲。沙上雁初到，樽前蟹可持。中秋能幾日，又是菊花時。

夏日從子淵姪借茉莉一盆

舉眼驚如許，衰懷強自安。愛涼臨水坐，遣病借花看。物同天地人，各肺肝。從來涇與渭，混作一流難。

吳門訪舊

孟良夫侍郎有藏春園

去此十三秋，重來雪滿頭。鏡顏加老醜，詩骨帶窮愁。鳥語新晴樹，人尋舊倚樓。藏春門下客，一半落山丘。

哭澗泉韓仲止二首

只選後篇欲記其臨終一節故併錄之

雅志不同俗，休官二十年。隱居溪上宅，清酌澗中泉。慷慨傷時事，淒涼絕筆篇。三篇遺稿在，當並史書傳。聞時事驚死作所以桃源人所以商山人所以鹿門人三詩此絕筆之詩也

忍貧長傲世，風節似君稀。死後兒女嫁，峽中兒女歸。門人集詩稿，故卒服麻衣。澗上梅花發，吟魂何處飛。

瑯琊山中廢寺

欲訪山中寺，沿堤石甃長。寶坊兵後廢，御帖窖中藏。故址生秋草，寒窓帶夕陽。孤僧出迎客，滿口話淒涼。

鄂州戎治靜憇亭

幽亭何處尋，巖樹碧森森。獨坐生雲石，少安經世心。伴人雙鶴立，多事一蟬吟。提劍翻然起，中原秋草深。

江上

江上維舟穩人間行路難數朝花雨細一夜社風寒燕語能留客蛙鳴豈爲官苦吟成底事贏得瘦團欒

海陵光孝長老曩無稱山谷後也共談時事且說黃

巖柑橘之美

俗子避形影僧家共往還高談犯時忌妙語發天慳霜後息新橘夢中歸故山何時免奔走終老白雲關

杜仲高高九萬相會

杜癖詩無敵高髯畫絕倫笑談能不朽富貴或成塵今古多奇士乾坤幾怪民相逢不容易一醉楚江濱

衡陽寫懷簡王景大趙俊卿

夢覺他鄉枕寒生半夜衾客程湖外遠秋意雨中深老馬

尋歸路羈鴉憶故林家書連數紙難寫此時心

懷趙德行

學慈湖從趙元道游

所學源流遠淡交滋味長看來渾易與別去自難忘獨客夢千里佳人天一方細觀賓退錄亦足慰淒涼

上封

樓臺逼霄漢窓戶納雲霓回顧千巖路如登萬仞梯泉從山頂出雪壓樹頭低高絕無入境非僧不可棲

九日

今日知何日他鄉憶故鄉黃花一杯酒白髮幾重陽日晚鴉爭宿天寒雁叫霜客中無此醉何以敵淒涼

春陵道上

雲際尋行路時逢一兩家山川閑世界耕釣小生涯病竹

長新筍寒芒搖落花溪翁解延客連煮數杯茶

化成巖

城郭置塵外江山勝槩中鏗然一灘水和以萬松風夾徑  
森奇石危亭納太空蒼巖不能語曾識贊皇公

喜聞平峒寇

峒寇都平了官軍奏凱歌千山通道路一雨洗干戈天地  
和風轉江湖春水多蜀中無近報西賊定如何

郭伯秀約聯騎春游不去有詩

心老尊春懶年衰跨馬難便能相強去未必有真歡獨酌  
三杯妙高眠一枕安好花如可折覓取數枝看

泉南

南地無冰雪常疑暖作災晝昏山霧合寒變海風來龍麥

銜芒早梅花帶葉開客中歸未得歲事漸相催

代人送別

南浦春波碧東風送客船別君楊柳外揮淚杏花前粉壁  
題詩句金釵當酒錢一聲離岸櫓心碎楚江邊

度淮

一雨足秋意孤吟寫客懷人情容易變身事苦難諧每日  
息歸浙今朝却度淮此生煩造物畧畧為安排

吳子似

載酒櫻桃熟隈亭柳樹陰青山去人遠黃鳥話春深薄俗  
非吾道虛名愧此心休言今不古又恐不如今

世事

世事直如夢人生不肖閑利名雙轉轂今古一凭欄春水

石屏詩鈔 四十四  
渡傍渡夕陽山外山吟邊思小范共把此詩看

冬日移舟入峽避風

棹入黃蘆浦驚飛白鷺羣霜華濃似雪水氣盛於雲市遠  
炭增價天寒酒策勳同舟有佳士擁被共論文

湖上

久住人情熟湖邊酒可賒來時飛柳絮今日見梅花十載  
身為客幾封書到家斜陽照林屋獨立數棲鴉

讀改元詔口號

伏讀改元詔仍觀拜相麻競傳新政事方見好官家雪作  
豐年瑞梅開近臘花路逢江上客立馬問京華

喜見新除目焚香洗眼看老儒居翰苑正士作臺官有道  
為時用非才處位難寄聲崔與李催一作促到長安

國以入為重人惟德可招九重方厲政諸老盡歸朝盛事  
追三代清風動百僚切聞天上語歡喜到漁樵

秋興有感

客游江海上幾度見秋風遠浦蘆花白疎林秋實紅入幄  
朝暮變景物古今同老眼猶明在從教兩耳聾

謝王使君送旅費

風撼梅花雨霧籠楊柳烟如何殘臘月已似半春天歲裏  
無多日閩中過一年黃堂解留客時送賣詩錢

舟中小酌

獨立秋風裏悵然思故鄉街頭沽美酒船上作重陽籬菊  
一枝瘦溪魚三寸長客中聊爾耳亦可慰淒涼

光澤溪上

艤棹西岩下舟人語夜闌風林無鳥宿石窟有龍蟠月色  
連沙白灘聲入夢寒曉來新得句寄與故人看

約游曾叅政西墅病不能去

骨肉去家遠異鄉童僕親老身渾賴汝久病亦愁人無暇  
游西墅尋醫訪北辰主翁翻作使奔走莫勞神

趙景賢送荔枝

荔子固多種色香俱不同新來嘗小綠又勝擘輕紅大嚼  
思千樹分甘僅一籠嘗觀蔡公譜夢想到莆中

客自邵武來言王埜使君平寇

聞說賊來日君能判死生扁舟載母去倚劔到天明百姓  
各逃命四旁無援兵王尊豈非勇獨自守孤城

太守自監軍片膽大如身立馬斬數賊犒軍指萬緡威行

千里外手活一城民孰謂書生怯書生中有人

新年自唱自和

聖朝開寶歷淳祐四年春生自前丁亥今逢兩甲辰黃藥  
一夢覺青鏡二毛新七十八歲叟乾坤有幾人

死灰無復暖槁木不逢春近日愁多病今年歲在辰處喧  
如處寂求舊不求新笑問長河水誰爲不老人

江山一夜雨花柳九州春過節喜無事謀歡要及辰年年  
仍歲歲故故復新新把酒有餘恨無從見古人

聞嚴坦叔入朝再用前韻

淒涼風雨日強把甕頭春獨守空虛寶那逢耗磨辰

時記正月十三日爲耗磨辰詩書青眼舊世路白頭新每誦梅花句一

心息故人嚴公有詩云過却海棠渾未醒夢中猶自呼梅

感寓

自覺心無愧何須座右銘人將金作塲吾以石為屏年老  
醫難療天寒酒易醒菊花香到死不肯就飄零

新歲書懷四首

衰年百病身淳祐五年春塵世自多事風光又一新鄉人  
方拜相野客自垂綸說與煙波侶海濱非渭濱

七十九歲叟時吟感寓詩年高胡不死身健欲何為細柳  
綠垂地小桃紅滿枝春風不到處枯蔓挂疎籬

老病從人笑兒童識我誰窮愁無地着心事有天知鵲噪  
緣何喜蛙鳴豈為私如何得懷抱長似醉眠時

正月復二月百年如一年世間人易老天下事難全生計  
麥十斛傳家詩幾篇眼前雖不足心地自超然一作村翁不識字白

屋貯青錢

小園

小園春欲半老子作兒嬉政喜花開蚤還愁客到遲詩當  
得意處酒到半酣時蜂蝶來無數無知却有知

蕭飛卿將使赴湖北戎幕詩送其行兼簡秋壑賈總  
侍

鄂渚三千里遙遙望使星江湖今寂寞桃李半凋零世有  
一秋壑時無兩石屏平生不相遇老眼向誰青

晚望懷長沙故人

却扇清風起樓頭坐晚涼青山連遠水綠水帶斜陽客路  
傷離別人情果在亡定應今夜夢隨月到瀟湘

寄虛齋趙侍郎



老眼開還闔秋懷醉不醒乾坤多變故人物曉天星藥石  
匡時切著龜見事靈得公十數輩亦足壯朝廷

送王子總卿二首

荏苒歲云莫雪霜天正寒取程毋太急御下放教寬朝夕  
去家遠關山行路難邊頭辦功業恐不在儒冠

荆門在何許鄂渚小躊躇宿處好看劍客中宜讀書交遊  
天作合江漢景何如窓戶半天上南樓好寓居

得古梅兩枝

一作雲川劉家古梅

老幹百年久從教花事遲一作有此老梅君從何處移似枯元不死因

病反成奇玉破一作雪點稀疎誰能知我意相

對歲寒時一作連朝看不足政要看花遲

貧作負恩人為何宏甫作

九陌塵中事三生石上身為好詩客貧作負恩人十載  
江村別扁舟塗水濱音書久不至得夢往來頻

山中少憇

地僻人稀到山寒水欲冰聞鐘知有寺見犬不逢僧斷壠  
森一作生喬木頽簷挂古藤斜陽照孤影詩骨瘦峻嶒

豫章東湖避暑

行坐自徜徉吟聲繞屋梁曉煙濕柳色晨露發荷香以我  
一心靜參他六月涼淵明知此意高卧到羲皇

徧訪諸亭館蒼苔掩舊蹤十年如昨日萬象又秋容閱世  
存喬木公堤倚瘦筇何人殺風景斫盡木芙蓉

濠州春日呈趙教授

體國

柳似眠初起梅雖老可觀水開春水活風暖雪泥乾得酒

忘爲客談詩不論官無人知此意一笑對黃冠

訪古田劉無競

潛夫宰建陽有聲人言自有建陽無此幸

前說建陽宰古田今似之難兄與難弟能政更能詩文字定交久江湖識面遲人傳花萼集俱受水心知

淮上回九江

江水接淮水扁舟去復回客程官路柳心事故園梅活計魚千里空言水一杯石屏有茅屋朝夕望歸來

鄭南夫雲林隱居

一來陪勝踐一作餞再到惜蹉跎計得山中景行尋竹外坡

天寒梅信早海近雁聲多煙渚蒲洲外時聞款乃歌

見名園荒廢有感

喬木無留影殘花尚假妍荒池蛙叫噪破屋燕周旋富貴

偏多事風流得幾年墻東有寒士書種世相傳

題黃仲文雙清亭

亭下新池好亭中古意存欲通溪上路遂闢竹邊門自昔好賓客相傳到子孫會看司命鶴時到種瓜園

莆中遇方

邀出城買螭而飲一僧同行

出郭斷虹雨倚樓新雁天三杯古榕下一笑菊花前入市子魚貴堆盤牡蠣鮮山僧慣蔬食清坐莫流涎

天竺訪明上座

顧影良堪笑胡爲八尺長蒼顏抗塵土餓喙說興亡

一作文章

竹雨先秋爽松風生夜涼愛尋湖上寺留宿贊公房

隆興度夏借東湖驛安下

面對一池荷四旁楊柳坡樹陰遮日少屋敞受風多疑是

石屏詩金 四十一  
清涼國暫爲安樂窩人人爭避暑老子自婆娑

族姪孫子榮之子神童顏老不幸短命而死哭之不

足詩以悼之

昨應童科日羣兒立下風丰姿傾衆目文采動諸公兩耳  
能兼聽六經皆暗通相期到楊晏有始奈無終

汝祖積陰德汝翁多讀書汝生天報施汝死又何如脩短  
有定數賢愚莫問渠冥官聞慟哭還許再來無

神童諱顏老生而秀骨奇姿非凡子比及晬父漁村徇  
俗脩試兒故事羅書籍玩具果殺於席顧盼無所取獨  
拏禮記一帙披捲若讀誦然稍長口授以書兩耳兼聽  
日記數千百言七歲能暗誦五經舉止應對儼若成人  
十歲善屬文息如湧泉王帥幹懋卿試以數題捉筆輒

就懋卿稱賞不容口嘉熙元年丁酉叅政范公嘉其俊  
異舉應神童科第一後省中勅賜免解進士朝廷以其  
能行文永免年十三卒

題董侍郎山園

行盡芙蓉徑尋秋扣竹關樓高納萬象木落見羣山平野  
水雲際盡橋煙雨間紅塵城下路只隔一湖灣

春陵山中

地僻民風古雨晴天氣新空山豎奇石喬木墮枯薪深入  
千崖路多逢百歲人繁華凋性命寂寞可全真

曾雲集年八十聰明不衰小楷寫六經家有小樓日  
登覽不倦諸監司嘗薦遺逸

八十雲集老諸公舊典刑心情古井水輩行曉天星身健

登高閣眼明書六經嘗聞薦遺逸何以報朝廷

同安子順訪茅庵道人鳳凰麒麟不可見道人語也  
道者日高卧清風隔世塵鳳麟不可見猿鳥自相親山木  
輪囷古茶花冷淡春草荒門外路常怕有來人

會李擇之其父名丙字南仲著丁未錄丙申錄

吟邊逢李白談笑亦風流相對各青眼安知有白頭兩家  
窮活計四海老交游不負雲山約同登百尺樓

山中夜歸

落盡一林月中夜半歸驚行羣犬吠破暗一螢飛舉我  
赤藤杖敲君白板扉興來眠不得吟到曉星稀

題春山李基道小園

瀟灑數椽屋旋營花竹坡心寬忘地窄亭小得山多共賞

春晴好其如客醉何棲鸞將遠舉寧久盼庭柯

東軒

喜鵲飛花即景

東軒亦瀟灑春晚雨晴時喜鵲立門限飛花落硯池青山  
解留客綠竹遍題詩一點歸心動夜來聞子規

宿農家

宿此屋頭閣瓦窓通月明夜深鸚鵡噪人靜桔槔聲村落  
有古意田園關客情儒衣成底事所得是虛名

江濱曉步

津頭曉步落潮痕行盡蒲根到柳根雁影參差半江月雞  
聲啾啾數家村求魚看下連筒釣乞火聽敲鄰舍門料得  
錦城無此景欲將圖畫寄王孫

鄂渚煙波亭

倚遍南樓更鶴樓小亭瀟洒最宜秋接天煙浪來三峽隔  
岸樓臺又一州豪傑不生機事息古今無盡大江流凭欄  
日暮懷一作息鄉國崔顥詩中舊日愁

春日二首黃子邁大卿

野人何得以詩鳴落魄騎驢走帝京白髮半頭驚歲月虛  
名一日動公卿頗思湖上春風約不奈樓頭夜雨聲柳外  
斷雲篩日影試聽幽鳥話新晴

帝里風光二月新西湖幾隊

一作對

踏青人杏花時節偏饒

雨楊柳門墻易得春或是或非塵裏事無窮無達醉中身  
五陵年少誇豪舉寂寞詩家戴叔倫

寄湖州楊伯子監丞

宛如公幹卧漳濱枕上窮吟過一春遣病每懷詩眷屬訪

醫因問藥君臣鑽龜小卜占灾數覽鏡羸形類別人寄語  
雪川賢太守新詩莫厭話愁頻

梅

孤標粲粲壓羣葩獨占春風管歲華幾樹參差江上路數  
枝裝點野人家水池照影何須月雪岸聞香不見花絕似  
林間隱君子自從幽處作生涯

清涼寺有懷真翰林運使之來

不特來觀德慶碑江山勝槩六朝遺興亡了不關吾事登  
覽胡爲作許悲梅爲有香奇似雪酒能無悶妙於詩蕭蕭  
綠竹無人愛留取雲稍待鳳儀

覺慈寺

踏破白雲登上方自嫌塵土浣禪牀千山月色令人醉半

夜梅花入夢香深谷不妨春到早老僧殊爲客來忙山童  
懶慣勞呼喚自拘枯松煮木湯

寄復齋陳寺丞二首

豈說一作直道從來用處難出乘五馬看廬山鳳凰覽德下千  
仞虎豹憎人上九關持論太高天動色憂時未老鬢先斑  
平生風節誰其似汲黯朱雲伯仲間

長憶西灣繫小舟野人曾伴使君游夜浮星子邀明月雨  
對廬君說好秋坐擁紅粧磨寶硯醉歌赤壁寫銀鈎當時  
一段風流事翻作相思一段愁

飲中歌僕赤壁詞爲作大字書之今刻石于廬山羅漢寺

黃州偶成

雁叫淮南欲雪天倚樓無味抱愁眠算從滄海白雲際行

到黃州赤壁邊萬事忘於懷壯志一生窮爲聳吟肩鬢間  
白者休教鑷要使天知老可憐

無爲山中鄭老家

高談可聽用心幽灼見此翁非俗流鞍馬破家還避世田  
園得地官封侯開窓脩竹無由俗遶屋青山總是秋門外  
短籬看亦好黃金菊間碧牽牛

南康縣用東坡留題韻

鏡中雙鬢已非鴉身在江湖心在家道路飄零如柳絮山  
川迤邐近梅花客行有債頻沽酒老怕無眠戒飲茶昨夜  
夢歸滄海上釣竿橫插雁邊沙

李季允侍郎舟中

憶昨楓橋旣語誰何期千里又相隨太湖不見鷓鴣子秋

浦同尋杜牧之燈火船窓深夜話江山客路早冬詩人間  
草木空無數除却梅花莫我知

湖南見真師

致身雖自文章選經世尤高政事科以若所爲卽伊呂使  
其不遇亦丘軻長沙地窄儒衣濶明月池乾春水多天以  
一賢私一路其如四海九州何

廬山十首取其四

山靈未許到天池又作西林一宿期寺是晉時陶侃宅記  
傳隋代率更碑山椒雲氣易爲雨客子情懷多費詩暫借  
蒲團學禪寂茶煙飛繞鬢邊絲

道人問我看廬山地上爭如閣上看呈露千峰秋落木雕  
鏤萬象客凭欄靜中見得天機妙閒裏回觀世路難管領

風光有微憾桂花香裏酒瓶乾

太平宮朱陵閣觀山

擁鼻行吟上下廊今宵又宿贊公房松搖半夜風聲壯桂  
染中秋月色香白石清泉聞笑語名山大澤出文章老夫  
甘作無名者不逐紛紛舉子忙

乘鸞不見李騰空試與尋真訪故宮黃葉堆邊覓行路紫  
煙深處望仙蹤眼高天近千山上身共雲棲一壑中九疊  
屏風三疊水更無詩句可形容

豫章東湖感舊

憶見堤邊種柳初重來高樹滿東湖交游大半入鬼錄歌  
醉一時逢酒徒夜雨總成流水去春風能免落花無經行  
孺子亭邊路猶有沙鷗識老夫

僮約

汝在何鄉何姓名路途凡百愛惺惺衣裳脫着勤收管飲  
食烹魚貴潔馨每遇歇時尋竹所須教宿處近旗亭吾家  
僮約無多事辦取小心供使令在一作住

同鄭子野訪王隱居

聯騎來尋失馬翁相期投宿此山中一庭花影三更月萬  
壑松聲半夜風共把酒杯眠不得劇談世事恨無窮明朝  
莫使兒童見一作覺倘有江船吾欲東

夜宿田家

簷笠相隨走路岐一春不換舊征衣雨行山崦黃泥坂夜  
扣田家白板扉身在亂蛙聲裏睡身從化蝶夢中歸鄉書  
十寄九不達天北天南雁自飛

豫章巨浸呈陳幼度提幹

乞得新晴賦晚霞出門無路欲乘槎憂風憂雨動經月足  
食足衣能幾家一飯共君烹瓠葉三杯無處看荷花自成  
鼓吹喧朝夕輸與東湖兩部蛙

訪趙東野

名時習休官隱居

榻來問訊病維摩花滿溪堂竹滿坡髮禿齒危俱老矣人  
高詩苦奈窮何四山便是清涼國一室可爲安樂窩猶有  
憂時兩行淚臨風揮洒濕藤蘿

送滕審言歸長沙別無聊

折柳亭前送故人平沙留得馬蹄痕雲生渡北一作迷行  
路煙起江南認別村恨不與君同上道歸來無伴自開樽  
西樓獨倚黃昏月欲倩飛鴻寄斷魂

杜子野主簿約客賦一詩爲贈與僕一聯云生就來



橋羅漢面吟成雪屋闍仙詩

杜陵之後有孫子自守詩家法度嚴秀骨可仙官况薄高  
情追古俗人嫌起看星斗夜推枕爲愛江山寒捲簾飽喫  
梅花吟更好錦囊雖富不傷廉

題處士黃公山居

行盡松坡與竹坡沿溪窈窕上岩阿山深每恨客來少寺  
近莫教僧到多但覺洞中人不老不知雲外事如何邊頭  
又報真消息使來朝乞講和

題何李湧江亭

勝槩何妨近市塵紅塵疎處著三椽數重青嶂橫天末一  
道澄江在眼前海浪浴紅朝出日樹林堆碧晚生煙請君  
分付堤邊石莫使漁翁來繫船

別鍾子洪

識得朝陽鍾子洪今人可想古人風文章有氣吞餘子天  
地無情負此翁問舍求田非細事參禪學佛見新功欲知  
別後真消息莫惜頻書寄海鴻

再賦惜別呈李實夫運使

一生飄泊老江湖今日別公歸故廬此去怕無相見日因  
風或有寄來書雲煙過眼時時變草樹驚秋夜夜疎人物  
似公能幾輩不知天下竟何如

蕭學易何季舉和作別詩佳甚再用前韻

少年行脚白頭歸不負平生汗漫期望斷海山雲漠漠愁  
生江路草離離一篇王粲登樓賦幾首巴陵送別詩獨倚  
篷窗無意緒瓦盆傾酒憶金卮

南安王使君領客湛泉流觴曲水

橫浦堂前舉一卮古榕陰下坐多時連朝好雨千山潤昨

夜新清一作秋一葉知梅嶺鄉來逢行一作者蘭亭今日又

義之家聲不墜一作傳風流在如見初寮說好詩

去年訪曾幼卿通判攜歌舞者同遊鳳山僕有歌舞

不容人不醉樽前方見董嬌嬈之句今歲到鳳山

又闢西隅築堤種柳新作數亭且欲建藏書閣後

堂佳麗皆屏去之矣僕嘉其志又有數語併錄之

一丘一壑自逍遙莫怪山人索價高是處園林可行樂同

來賓客不須招臨風桃李花狼藉照水樓臺影動搖歌舞

不容人不醉樽前方見董嬌嬈

別駕嘗懷物外心黃金屢費買山林後堂不肖著歌舞高

閣唯息貯古今幾處亭臺新結束一春風雨阻登臨野夫

昨日閒乘輿着屐尋詩到柳陰

見淮東制帥趙南仲侍郎相待厚甚特送買山錢又

欲刊石屏詩置于揚州郡齋話別叙謝

如公當向古人求識面何須萬戶侯浪說釣鰲游瀚海真

成騎鶴上揚州受恩多處難為別宿酒醒時始覺愁回首

平山堂下路不堪風雨送歸舟多一作深

鎮江別總領吳道夫侍郎愚子琦來迎待朝夕催歸

甚切

落魄江湖四十年白頭方辦買山錢老妻懸望占烏鵲愚

子催歸若杜鵑濟世功名付豪傑野人事業在林泉難禁

別後相思意或有封書寄雁邊

董侍郎山園燕樓宗丞

旌旗千騎擁春華，傾動臨川十萬家。鳧出郊因問柳紫，  
荷領客共看花。樽前人唱鶯亦唱，堂下吏衙蜂亦衙。寄語  
風流賢太守，好留醉墨伴煙霞。

息歸

吟詩不換校書郎，但欲封侯管醉鄉。疎懶無成嵇叔夜，清  
狂似達賀知章。安貧不怕黃金盡，既老從教白髮長。百計  
不如歸去好，子孫相對說農桑。

老矣歸歟東海村，長裾不復上王門。肉糜豈勝魚羹飯，純  
袴何如犢鼻褌。是處江山如送客，故園桐竹已生孫。分無  
功業書青史，或有詩名身後存。

趙用甫提舉夢中得片雲不隔梅花月之句時被命

入朝雪中送別用其一句補以成章

一時議論動諸公，有詔西來玉節東。又見清朝更大化，好  
趨丹陛奏孤忠。片雲不隔梅花月，一雪翻成柳絮風。把酒  
莫辭今夕醉，明朝車馬去匆匆。

長沙呈趙東巖運使併簡幕中楊唯叔通判諸丈

日暮遠塗行未休，白頭又作長沙遊。湘江一點不容俗，岳  
麓四時皆是秋。香草汀洲付騷客，紅蓮幕府聚名流。吟邊  
萬象寫不得，上有風流趙倚樓。

山中見梅寄曾無疑

自號雲巢名三異臨江軍人

香動寒山寂寞濱，直從空谷見佳人。樹頭樹底參差雪，枝  
北枝南次第春。有此瑰琦在巖壑，其他草樹亦精神。移根  
上苑誰云晚，桃李依然在後陳。

石屏言錄 五十一  
余惠叔訪舊

扁舟訪舊入橫塘新柳今如舊柳長室邇人遙春寂寂風  
流雲散事茫茫縱題紅葉隨流水誰弄青梅出短牆政是  
沈郎愁絕處杜鵑不斷叫斜陽

滕審言相遇話舊

憶昨同君訪月林幾年相別到于今江山花草生詩夢風  
雨憂愁長道心久矣無波觀古井悠然得趣聽鳴琴一生  
奔走成何事塵滿征衫雪滿簪

汪給事鄂渚元宵代江夏宰吳熙仲獻燈

鄂州新得主人翁今歲元宵便不同燈火夜深回晝日管  
絃聲動起春風遼天月借三秋白陸地蓮開十丈紅妙手  
信能移造化速宜歸去補蒼穹

一晴收盡四山雲天與黃堂作好春西楚東吳獻風月南  
樓北榭擁星辰扶持入郭觀燈叟歌舞攔街醉酒人此是  
太平真氣象今年第一箇良辰

袁州化成巖李衛公謫居之地

一巖端坐挹千峰三雨亭臺勝槩中江水驟生連夜雨松  
聲吹下半年天風因思世故吾頭白獨步林皋夕照紅欲吐  
草茅憂國志誰能喚起贊皇公

京口別石龜翁際可

把劒樽前砍地歌有何留戀此蹉跎心期難與俗子道世  
事不如人意多蓮葉已空猶有藕菊花雖老不成莎扁舟  
四海五湖上何處不堪披釣蓑

讀放翁先生劒南詩草

茶山衣鉢放翁詩南渡百年無此奇入妙文章本平淡等  
閒言語變瑰琦三春花柳天裁剪歷代興衰世轉移李杜  
陳黃題不盡先生模寫一無遺

諸葛仁叟縣丞極貧能保風節有權貴招之不屑其

行

時人誰識老聾丞滿口常談杜少陵俗輩衆多吾輩少素  
交零落利交興權門炙手炎如火詩社投身冷似冰堪笑  
老天無老眼相知賴有竹林僧

萬安江上

不能成佛不能一作僊虛度人間六十年鏡裏姿容雖老  
矣酒邊意氣尚飄然安排月白花紅句趁辦橙黃橘綠天  
無奈秋風動歸興明朝問訊下江船

飲中

布衣不換錦宮袍刺骨清寒氣自豪腹有別腸能貯酒天  
生左手慣持螯蠅隨隨驥尾宜千里鶴在雞羣亦九皋賢似  
屈平因獨醒不禁顛顛賦離騷

陪徐淵子使君登白雪樓約各賦一詩必以宋玉石

對莫愁村

樓名白雪因詞勝千古江山春雨餘宋玉遺蹤兩蒼石莫  
愁居處一荒墟風橫煙艇客呼渡水落沙洲人網魚借問

風流賢太守孟亭添得野夫無

唐時崔鄂州館孟浩然于樓上遂有浩然亭後人尊浩然改爲孟亭徐使君詩併錄于此水落方成放牧坡水生還作浴鷗波春風自共桃花笑秀色偏于麥壠多村號莫愁勞想像石名宋玉謾摩挲試將有袴無襦曲翻作陽春白雪歌

靜齋張敏則舍人贈詩因用其韻爲酬

胸次詩書一派清學如耕稼到秋成十年閉戶存吾道萬  
事無心逐世情葉落花開關氣數山長水遠是功名摩挲  
老眼看新貴九鼎鴻毛孰重輕

客游

不能鬱鬱窟中藏大笑出門游四方與世周旋持酒盞觀  
人勝敗坐碁傍倒餐甘蔗入佳境晝着錦衣歸故鄉此志  
十年猶未遂倚樓心事楚天長

都下書懷

京華作夢十年餘不道南山有弊廬白髮生來美人笑黃  
金散盡故交疎明知弄巧反成拙除却謀歸總是虛出處  
古人都說盡功名未必勝鱸魚

新安寒食

不擬今年到歙州要知行止豈人謀一百五日客懷惡三  
十六峰春雨愁老矣此身猶道路嗟其歸夢繞松楸花瓢  
仙子無由見千里江山負遠游

烏聊山登覽

抖擻嵩塵上翠微秀溪寺上坐題詩忽聞啼鳥不知處細  
看好山無厭時風掃雲煙開遠景人攜香火謁叢祠客來  
千里登臨意說與時人未必知

癖習

平生癖習未全除虛事驚心實事疎爲惜落花慵掃地每  
看脩竹欲移居逢人共作亡何飲撥冗時觀未見書爭奈  
一貧隨我在思量不若把犁鉏

古田園吟

俗蒨桐樹發花茶戶大家又云樹無梅手無

自古田園活計長醉敲牛角取宮商催耕啼後新秧綠  
磨鳴時大麥黃桐樹著花茶戶富梅林無實林田荒狂夫  
本是農家子拋却一犁游四方

趙升卿有官不官為里居有賢聲訪之於深巷中

深居陋巷不妨幽翠竹當門水滿溝每遇事來先覺懶欲  
為官去又還休田園自樂陶元亮鄉里多稱馬少游除却  
讀書無所好有時閑作北巖游即化成巖也

括蒼石門瀑布

少泊石門觀瀑布明知是水却疑非亂拋雪玉從天下散  
作雲煙到地飛夜聽蕭蕭洗塵夢風吹細細濕人衣謝公  
蠟屐經行處聞有留題在翠微

杜門自遣

世事茫茫心事灰眾人爭處我驚回閉門不管花開落避  
俗唯通燕往來富貴在天求不得先陰轉地老相催平生  
任達陶元亮千載神交共一杯

登快閣黃明府強使和山谷先生留題之韵

未登快閣心先快紅日半簷秋雨晴宇宙無邊萬山立一作

今古如斯雲煙不動八窗明飛來一鶴天相近一作萬象山如

立過盡千帆江自橫借問金華老僊伯幾人無忝入詩盟

滕王閣次韻劉允叔

消遣客懷尋勝事酒杯詩卷得同攜當年傑閣棲龍子今  
日空梁落燕泥斜照浴紅秋水上好山橫碧畫欄西幾人  
登覽皆磨滅唯有前峰壓不低

竹洲諸姪孫小集永嘉蔣子高有詩次韻

美景能兼樂事難  
愁來唯仗酒遮欄  
昂藏病骨兼詩瘦  
料峭春風帶臘寒  
喬木尚疑前輩在  
好花應笑老人看  
忍拋明月先歸去  
輸與諸郎徹夜歡

游雲溪與郡宴用太守韻卽事二首

溪堂久矣無人到  
千騎傳呼五馬來  
流水奔騰砥柱立  
好山呈露晚雲開  
指揮壯士馳驍騎  
管領衰翁弔古梅  
笑問風流叔羊子  
幾人登覽不塵埃

官府太平無一事  
凝香座上着衰翁  
飄搖短棹游方沼  
縹緲高樓倚半空  
把酒夜深霜落後  
吹簫人在月明中  
使君笑指

一作梅花說

一作去歲今年事不同

去歲臘月十一夜冠至

唐姚梁公作水壺賦雪蓬有碑

懷雪蓬姚希聲使君

唐姚梁公作水壺賦雪蓬有碑

寒入疎蓬夜雪深  
是非難辨口如瘖  
一官不幸有奇禍  
萬事但求無愧心  
想像騎牛開畫卷  
丁寧回雁寄來音  
傳家一首水壺賦  
未信橫舟竟陸沉

有感中來不自禁  
短長亭下短長吟  
梅花差可強人意  
竹葉安能醉我心

世事無憑多改變  
仕途相識半昇沉

湘江春水闊猿啼歲頂暮雲深摩挲老眼從頭看  
只有青山無古今

都中懷竹隱徐淵子直院

手攜漫刺訪朝官  
爭似滄洲把釣竿  
萬事看從今日別  
九原叫起古人難  
菊花到死猶堪惜  
秋葉雖紅不耐觀  
多謝天公憐客意  
霜風未忍放深寒

送劉鎮叔安入京

謫居三山二十餘年真西山奏令自便趙用父使君為唱餞其行坐

客二十八人分韻賦詩得君字

三十餘年謫宦身  
此行便可上青雲  
西山一手為推轂  
南



浦幾人爭送君橫水流傳無垢集海神驚見老坡文回頭  
莫有關情處別酒須教滿十分

次韻杜運使見贈

飄零敢說是詩人故舊多居要路津窮賤交游誰復記江  
湖蹤跡早成陳無心涉世當歸隱有口逢人肯說貧家在  
翠屏山下住茅廬雖小可容身

息歸

地上皇皇蟻蝨臣著衣喫飯亦君恩不能待詔金鑾殿嘗  
欲獻書光範門身在草茅憂社稷恨無毫髮補乾坤才疎  
命薄成何事白首歸耕東海村  
躬耕海上奈無田乍可經營買釣船未有人供令狐米欲  
從鬼借尉遲錢回頭歸路二千里藉手還鄉五百篇幸遇  
太平時節好白雲深處了殘年

趙克勤曾橐卿景壽同登黃南恩南樓

欲從高處賞新秋上盡層波更上樓天地無窮吾輩老江  
山有恨古人休寧隨狡兔營三窟且跨飛鴻閱九州憶着  
當年杜陵老一生飄泊也風流

鄂州南樓不可到到此南樓眼亦青乾坤日月與高致城  
郭江山無遁形把酒縱談心耿耿倚欄遐眺鬢星星世間  
萬事關愁思莫使秋風吹酒醒

山行遇秀癡翁

新冬行樂賞新晴幾箇江湖舊友朋霜蟹得橙同臭味  
是水可臨山可登梅花與菊作交承樽前盡是論文客林  
竹葉有松相映帶好事僧機解到時言語別李翱詩句入傳燈  
下那逢一作

石亭野老家

野老將余到石亭先呼小豹出相迎  
依凭林谷住家穩奔走兒童見客驚  
牛豕與人爭徑路桑麻繞屋蔽柴荆  
溪邊不合栽桃李猶恐春風惹世情

讀王幼學上殿劄子

才到朝廷被論歸孤忠幸有九重知  
神醫能識未蘇病國手難翻已敗碁  
四海爭傳治安策諸公如在太平時  
老夫懷抱緣何事未到秋來早自悲

謝史石憲送酒并茶

遣來二物應時須客子行厨用有餘  
午困政須茶料理春愁全仗酒消除  
不勝歡喜拜嘉惠無限慇懃作謝書  
君既有來何以報一牀斬篔兩淮魚

衡陽度歲

爲懷賈誼到長沙又過衡雲湘水涯  
詩酒放懷真是癖江湖久客若無家  
茫茫萬事生春夢草草三杯度歲華  
把定東風笑相問忍將桃李換梅花

遇張韓伯說邊事

每上高樓欲斷魂沿江市井幾家存  
飛鴻歷歷傳邊信芳草青青補燒痕  
北望苦無多世界南來別是一乾坤  
相逢莫說傷心事且把霜螯薦酒樽

久客還鄉

短簷紗帽舊麻衣鐵杖扶衰步履遲  
老去分爲無用物客游誰到有歸時  
豐年村落家家酒秋日樓臺處處詩  
生長此方真樂土江淮百姓政流離

聞時事

昨報西師奏凱還近聞北顧一時寬淮西勳業歸裴度江  
右聲名屬謝安夜雨忽晴看月好春風漸老惜花殘事關  
氣數君知否麥到秋時天又寒

寄趙德行

嘗有免諸公進詩之說

平生幸甚識諸公未免歸爲田舍翁詩稿敢求經御覽客  
身自笑坐天窮官將釣手遮西日獨聳吟肩訴北風枉使  
西山有遺恨不能置我玉堂中

到鄂渚

連宵歌舞醉東樓不信樽前有別愁半夜月明何處笛長  
江風送故人舟十年浪跡游淮甸一枕高眠到鄂州明日  
擬蘇堤上看當春楊柳政風流

艤棹江上

艤棹江濱訪舊游十年重到戲魚洲不知芳樹在何許但  
見落花從此流我醉欲眠因假榻客行未定且登樓有錢  
賸買張家酒準備明朝話別愁

萬安縣芙蓉峰

凌空傑閣爲誰開隔岸芙蓉不用栽今古相傳彩雲現江  
山曾識大蘇來酒邊歌舞共一笑客裏登臨能幾回翠浪  
玉虹從此去明朝人在鬱孤臺

汪見可約游青原

來訪青原古釣磯溪流袞袞濯龍奇一茶可款從僧話數  
局爭先對客棋雲雨那能敗吾事山林政喜得君詩石頭  
路滑籃輿小換得扁舟在水湄

除夜

掃除茅舍滌塵囂一炷清香拜九霄萬物迎春送殘臘一  
年結局在今宵生盆火烈轟鳴竹守歲筵開聽頌椒野客  
預知農事好三冬瑞雪未全消

春日風雨中

瀟瀟風雨閉柴門年紀衰頹病着身大似梁鴻居海曲略  
如公幹卧漳濱三春晴暖無多日一世安閑有幾人聞道  
明朝新醞熟不妨祭竈請比鄰

靈洲梅花

穿林傍水幾平章合有春風到草堂自入冬來多是暖無  
尋花處却聞香枝南枝北一輪月山後山前兩履霜直看  
過年開未了醉吟且放老夫狂

寄廣西漕陳魯叟誥院

回首元龍百尺樓一時詩酒寄同游好山歷歷在人眼流  
水滔滔任客舟歸雁欲從何處去落花恨不爲春留錦囊  
佳句無人問自別君來白盡頭

湖廣李漕革夫大卿飲客西湘湘一作湖

管領風光此會稀坐中賓客總能詩神仙有洞人難見山  
水當軒看轉奇春不再生陶侃柏人來多打李邕碑因思  
屈賈傷今古國有忠臣無用時

曾雲巢同相勉李玉澗不赴召

詔書催赴紫宸班九奏君王乞掛冠日暮倒行非我事一作  
意急流勇退有何難地靈不隱金沙勝秋水長流玉澗寒  
好把山林寄圖畫試教天下故人看

江山一作江上

借得茅樓一倚欄見成詩句滿江天歸鴉啼處客投宿野  
鴨飛邊人上船老眼尚嫌隨物轉關心可惜被貧牽平生  
錯做功名夢金印何如一作須二項賢一作田

京口遇薛野鶴

天下江山第一州可能無地着詩流黃金不愛買官職白  
髮猶堪上酒樓懊恨牡丹遭雨厄叮嚀芍藥為春留狂吟  
有禁風騷歇語燕啼鶯代唱酬

題邵武熙春臺呈王子文使君

步到風煙上上頭恍如造物與同游千山表裏重圍過一  
水中間自在流近郭樓臺隔雲見鄰峰鐘磬出林幽風流  
太守詩無敵有暇登臨共唱酬

秋日病餘

桂子吹香風露深老夫吟了聽蟬吟秋來賸有行山興病  
後全無涉世心詩苦積成雙白髮酒豪輕用萬黃金平生  
意氣今如許獨抱傳家一破琴

海上魚西寺

北風三日弭行舟登陸因為島寺游自笑奔馳如野馬本  
無拘束似沙鷗人誰與語自緘口山有可觀頻舉頭小雨  
疎煙晚來景老僧相對倚鐘樓

甘窮

自甘寂寞坐詩窮何取多牛積穀翁痛飲不孤連夜月浮  
生禁得幾秋風芙蓉媚日紅相對螭蟹着霜黃在中白盡  
鬚毛無可老此身未死却愁儂

黃州竹樓呈謝國正

每日黃堂事了時，一心惟恐上樓遲。  
發揮天地讀周易，管領江山歌杜詩。  
切戒吏來呈簿曆，常邀客至共琴碁。  
風流太守誰其似，半似元之半牧之。

清明前夢得花字

白頭那辦老生涯，幸有癡兒老主家。  
百歲光陰一場夢，三春消息幾番花。  
掃松預造清明酒，入峽先租谷雨茶。  
隨分支吾度時節，那求不死煉丹砂。

訪慧林寺僧因有詩

故人有約訪鄉僧，少坐西林待晚晴。  
雙燕護雛更出入，羣鴉攫肉鬪飛鳴。  
長溪積水流無盡，古木號風訴不平。  
一段見成公案在，請君判斷要分明。

喜梅雨既晴

屋角鳴禽弄好音，櫻頭夏木綠陰陰。  
鑷空白髮愁根在，熟盡黃梅雨意深。  
茗碗有泥妨客坐，稻田足水慰農心。  
老夫已作豐年想，鼓腹為擊壤吟。

李司直會客

運幹有詩次韻  
使君高會集群仙，狂夫坐細氈。  
白壁一雙酬議論，青春十載棹觥船。  
客過酒退三舍梅，信與春開一先已辦。  
扁舟明日去幾時，何到花前。

一相識無辜

一宿津亭睡不成，來物物是離情。  
月輪高挂山河影，江浪巧為風雨聲。  
志一失途為鬼笑，佳人泣血送君行。  
塞翁得馬非為福，公論天久自明。

送黃教授日

久矣聞名不相識

我眼中多好詩欲

寄語一作與謝安石

家居復有在

寒儒家舍只尋常

語尋春多被雨相

到底閉門非我事

題亡室真像

求名求利兩茫茫

盆歌罷轉淒涼情

丹青呼不醒世間

之官章貢

湖還有見君時出入意表發高論入

風開笑世事愁眉憑誰

生起太遲時否但承相不出

竹林接物罕逢人可一作好

葉凶息酒室有蘭花不炷香

心性五湖傍

里歸來賦悼亡夢并詩成增悵恨鼓

我輩那容忍乳臭諸兒最可傷拂拭

有返魂香

杜仲高相遇

胸中無地着塵埃

憎俗客去還來秋

風光須我輩急吹

少算

吾生落落果何為

求我却笑人癡庭

欲齊齊不得天機

處世

風波境界立身難

心須向靜中安路

一作道始終無悔吝

尉

唯堪把酒杯苦恨好山移不得生

菊春信攬開北嶺梅管領

彩無了期少算人皆嘲我拙多

密疎疎蒨溪柳長長短短枝萬事

在不齊時

世規模要放寬萬事盡從忙裏錯

平生處經行穩人有常情耐久看直到

生枝葉便多端

送別朱兼金

恰喜相逢又語離  
髮可憐天不知  
若問癡頑老新有

呈姚顯叔南

朝夕置身書卷間  
字無多氣象寬立  
桃李爭春色輸與

閱四家詩卷

閱盡四家詩卷子  
欄花翁道不同  
論盡諸家體憶着

於江上送君時清談未了風吹斷白  
自肥傷竹瘦海棠偷放笑梅遲黃堂  
樓十二詩

書院

滿眼幾曾看山林不受塵埃泥屋  
道流俗轉留心學到古人難漫山

點酸

明薛沂叔孫季蕃高九萬

優劣在其中石龜野鶴心相合菊

漢亂蟬簫瑟度秋風一篇

年登

謝吳秘丞作石屏集後序

說破當年舊石屏自慚無德又無能鄉來江海疎狂客今  
作山林老病僧高卧一樓成宇宙冷看獨影當賓朋惡詩  
有誤公題品不是夔州杜少陵

有感

老子生來世法疎白頭思欲把犁鉏摩挲此腹空無物僥  
倖虛名愧有餘憔悴不堪漁父笑寒温無益貴人書詩家  
幸有嚴華谷襟誼猶能眷眷予

湘中

一棹無情度碧湘行行不脫水雲鄉旗亭少飲村醪薄田  
舍新炊晚稻香簫鼓遠來朝嶽去包籠爭出趁虛忙塗人  
有愧黃居士十載看經不下堂



朱行父留度歲

衡山之下湘江上風月留連去較遲四海弟兄多不遇一  
門父子兩相知梅邊竹外三杯酒歲尾年頭幾局棋羈旅  
宦游俱是客細論心事共題詩

蘄州上官節推同到浮光

馬蹄相逐到浮光客裏相寬對舉觴夜暖試鋪新枕簟曉  
寒仍索舊衣裳櫻桃着雨便成腐柳絮隨風如許狂連歲  
經行淮上路憂時贏得鬢毛蒼

贛州呈雪蓬姚使君

白旗走報山前事昨日官軍破綠林千里人煙皆接堵一  
春農事最關心不知郊外雨多少試探田間水淺深翠玉  
樓中無限好可無閒暇一登臨

汪見可教授約諸文鳳山酌別

鳳凰洲上鳳凰山草草登臨見一班不立樊牆天廣大贍  
栽花竹地寬閒白雲四面峰千疊綠柳前頭水一灣行色  
催人詩未就寄情庭院落花間

何處景

都來五十有六字寫出山林無限奇當日所題何處景祇  
今但見後湖詩一言一語堪傳世某水某丘仍屬誰試問  
愁煙推白鳥無情白鳥又何知

石屏久游湖海祖妣

題二句於壁云機番白苧和  
愁織門掩黃花帶恨吟後石屏歸祖妣已亡矣續

成一律

伊昔天邊望藁砧天邊魚雁幾浮沉機番白苧和愁織門

掩黃花帶恨吟自古詩人皆浪跡誰知賢婦有關心歸來却抱雙雛哭碑刻雖深恨更深

汀州道上

字內何牢落客行雙鬢華千山萬山底老眼付梅花

寄興代作

長願人人意一生無別離妾當年少日花似半開時黃金無足色白璧有微瑕求人不求備妾願老君家

江村晚眺二首

數點歸鴉過別村隔灘漁笛遠相聞菰蒲斷岸潮痕濕日落空江生白雲  
江頭落日照平沙潮退漁舸閣岸斜白鳥一雙臨水立見人驚起入蘆花

江陰浮遠堂

橫岡下瞰大江流浮遠堂前萬里愁最苦無山遮望眼淮南極目盡神州

淮村兵後

小桃無主自開花煙草茫茫帶曉鴉幾處敗垣圍故井鄉來一一是人家

盱眙北望

北望茫茫渺渺間鳥飛不盡又飛還難禁滿目中原淚莫上都梁第一山

訪友人家即事

爛茅遮屋竹爲牀口誦時文鬢已霜妻病無錢供藥物自尋野草試單方

晚春

池塘渴雨蛙聲少  
庭院無人燕語長  
午枕不成春草落  
花風靜煮茶香

揚州端午呈趙帥

榴花角黍鬪時新  
今日誰家不酒樽  
堪笑江湖阻風客  
却隨蒿艾上朱門

次韻郭子秀曉行

脫葉園林帶曉鴉  
馬蹄步步踏霜華  
山邊水際頻凝顧  
怕有寒梅昨夜花

山村

山崦誰家綠樹中  
短牆半露石榴紅  
蕭然門巷無人到  
三兩孫隨白髮翁

萬竹梢頭雲氣生  
西風吹雨又吹晴  
題詩未了下山去  
一路吟聲雜水聲

題吳熙仲雲萍錄

家在蓬萊海上居  
出身履歷一時無  
姓名海上雲萍錄  
本是煙波一釣徒

湘中遇翁靈舒

天台山與雁山鄰  
只隔中間一片雲  
一片雲邊不相識  
三千里外却逢君

客中秋晚

榴花纔放客辭家  
客裏因循見菊花  
獨坐西樓對風雨天  
寒猶自著輕紗

都中冬日

脫却鷓鴣裘付酒家忍寒圖得醉京華一冬天氣如春暖昨日街頭賣杏花

寒一作貧

### 釣臺

萬事無心一釣竿三公不換此江山平生誤識劉文叔惹起虛名滿世間

### 端午豐宅之提舉送酒

海榴花上雨蕭蕭自切菖蒲泛濁醪今日獨醒無用處爲公痛飲讀離騷

### 山中見梅

踏破溪邊一徑苔好山好竹少人來有梅花處惜無酒三嗅清香當一杯

### 書事

打鼓行船未有期恰如江上阻風時詩中一段閑公事幸不妨人喫荔枝

### 寄後村劉潛夫

朝廷不召李功甫翰苑不著劉潛夫天下文章無用處奎星夜夜照江湖

擁節持麾澤在民仰看臺閣笑無人劉蕡一策傳千古何假君王賜出身

客游仙里見君時擁絮庵中共說詩別後故人知我否年幾八十病支離

### 中秋李漕冰壺燕集

把酒冰壺接勝游今年喜不負中秋故人似中秋月官爲狂夫照白頭

竟芍藥代簡豈潛

照映亭池芍藥春紅紅白白關精神與其雨打風吹去爭似慙慙折贈人

趙葦江與東嘉詩社諸君游一日攜吟卷見過一語

謝其來

白首無聊老病軀一心唯覓死頭顱時人誤作梅花看今日枝頭雪也無

巾子山翠微閣

雙峰直上與天叅僧共白雲棲一庵今古詩人吟不盡好山無數在江南

清明感傷

客中今日最傷心憶着家山松樹林白石岡頭聞杜宇對

他人墓亦沾巾

九日

醉來風帽半欹斜幾度他鄉對菊花最苦酒徒星散後見人兒女倍思家

雪中觀梅鄭子壽良寒不到

孤負溪橋梅怕寒不肯出門來欲邀鄭老同清賞爭得梅花六月開

鄭子壽野趣燒燭醉梅花

古瓶斜插數枝春此即君家勸酒人移取堂前雙蠟燭花邊照出玉精神

東湖看花呈宋愿父

團團堤路行無極一株一步楊柳碧佳人反覆看荷花自

恨鬢邊簪不得

贛州上清道院呈趙雪蓬

短牆不碍遠山青無事燒香讀道經時把一杯非好飲客  
懷宜醉不宜醒

到西昌呈宋愿父伯仲黃子魯諸父

一秋無便寄平安新雁聲聲報早寒昨夜檢衣開故篋去  
年家信把來看  
扁舟幾度到南昌東望家山道路長醉裏不知身是客故  
人多處亦吾鄉

入閩道中

山中寂寞去程賒莫惜頻頻到酒家行李蕭然還不倍擔  
頭顛倒插梅花

李敷文酌別席上口占

客子明朝早問程樽前今夜苦爲情使君亦恐傷離別不  
使佳人唱渭城苦一作若

既別諸故舊獨黃帝聲往曲江稟議未回不及語離  
別盡諸君不見君客愁多似海南雲一聲何處離羣雁那  
向江村靜處聞

老年懷抱晚秋天欲去思君重黯然聞道歸來有消息江  
頭錯認幾人船

林伯仁話別二絕

別酒三杯醉不知梅花嶺外故人稀片心暗逐白雲去日  
日向君行處飛

茉莉花邊把酒卮桺樹下共談詩醉來一枕西窗下酒

醒方知有別離

題陳景明梅廬

手栽梅核待成林  
慈母當年屬望深  
梅未成林人已往  
空酸孝子一生心  
思親如海渺無涯  
觀物驚心感歲華  
誰見詩人心苦處  
年年揮淚看梅花

題蔡仲卿青在堂二首

瀟瀟灑灑屋三間  
日日開門見好山  
但使青青長在眼  
一毫塵俗莫相干  
幾人富貴不能閑  
夜運牙籌日跨鞍  
役役一生忙裏過  
不知屋上有青天

寄王溪林逢吉

心腹相知會面稀  
一春未有盞簪期  
西窗風雨愁眠夜  
夢到君家賦小詩  
陋巷深深屋數椽  
以文為業硯為田  
一觴一飯常留客  
知是君家內子賢

題梅嶺雲封四絕

東海邊來南海邊  
長亭三百路三千  
飄零到此成何事  
結得梅花一笑緣  
淮南得道嶺南行  
嶺上回頭作麼生  
傳得祖師心印了  
鉢盂何必與人爭  
鑿破青山兩壁開  
石頭路上踏塵埃  
梅花自與白雲笑  
幾見夷齊出嶺來

南遷過嶺面無慙  
前有東坡後澹菴  
兒輩欲知當日事  
青

山解語水能談

戲題詩藁

冷澹篇章遇賞難  
杜陵清瘦孟郊寒  
黃金作紙珠排字  
未必時人不喜看

昭武太守王子文日與李賈嚴羽共觀前輩一兩家

詩及晚唐詩因有論詩十絕子文見之謂無甚高

論亦可作詩家小學須知

文章隨世作低昂  
變盡風騷到晚唐  
舉世吟哦推李杜  
時人不識有陳黃

古今胸次浩江河  
才比諸公十倍過  
時把文章俱戲謔  
不知此體誤人多

曾向吟邊問古人  
詩家氣象貴雄渾  
雕鏤太過傷於巧  
朴拙惟宜怕近村

拙惟宜怕近村

意匠如神變化生  
筆端有力任從橫  
須教自我胸中出  
切忌隨人脚後行

忌隨人脚後行

陶寫性情爲我事  
留連光景等兒嬉  
錦囊言語雖奇絕  
不是人間有用詩

飄零憂國杜陵老  
感寓傷時陳子昂  
近日不聞秋鶴唳  
亂蟬無數噪斜陽

蟬無數噪斜陽

欲參詩律似參禪  
妙趣不由文字傳  
箇裏稍關心  
有發

爲言句自超然

詩本無形在窈冥  
網羅天地運吟情  
有時忽得驚人句  
實

盡心機做不成

作詩不與作文比  
以韻成章怕韻虛  
卽得韻來如砥柱  
動



移不得見工夫  
草就篇章只等閑  
作詩容易改詩難  
玉經雕琢方成器  
句要豐腴字要安

*[Faded bleed-through text from the reverse side of the page]*

